





新編翰苑新書卷之二十

續集

縣宰類

通王知縣

方秋崖

天各一涯幾費池塘之春夢地方百里適分隣壁之夜光  
劄同班飛太史之鳧敬憑積傳故人之鯉時其後矣喜則  
是然其惟某官落霞孤鶩之辭英鷺雲遊龍之墨妙斗以  
南斗以北獨高奎宿之躔江之西江之東兩贊使星之幙  
曩聞畫諾備極拊摩於以知竇發之源賴有此玉山之秀  
畫簾之寂夜戶自恬大夫曰賢何乃奏瑤琴於五柳之縣  
天子有詔爾其鏘瓊裾於萬笋之班其一拜以還幾年於  
此方買犢叢山之底誰念吾民之最窮想停驂野驛之寒



曾入君侯之太息敢不三沐願聞一言充弊為吾君民毋  
憂制肘魯衛之政兄弟繫故此肩翹企金相庶幾玉我

通趙知縣

方秋崖

奪繡衣之幕快覩匿犀縮墨綬之章聿來儀鳳恍星辰之  
在望曾日月之幾何共惟某官蚤游諸老之間深造吾道  
之妙以所學乃孔周之學要不在乎文墨議論之工謂此  
心即堯舜之心自可寄以社稷人民之重曩窺畫諾備極  
撫摩攬轡而志澄清雖古人無及者下車而問疾苦豈今  
日獨忘之於以知凋邑之有瘳私竊與吾民而相賀願言  
飛騎式俟交龜某五技已窮百為皆謬田蕪而荒菊遲但  
欲賦歸去來弓之辭縣古而出槐根詎敢作君無幾何之  
計彼有成於墮旣僕方窘於膠舟歛聞鸞鵠之掀騰信知騏

驥之超越舊令尹必告新令尹諒不勝父母之仁今將軍  
安問故將軍所覲篤子孫之契惟日為歲朔風有懷

通傳知縣

方秋崖

見督郵而來帶久矣淵明而賦歸趣舍人而裝治是何叔  
度之來暮凡三易人而及此旣五閱月而跋予豈辛苦之  
未償殆寅綠之有待敢贅鯉書之訊式適鳧舄之飛共惟  
某官身荷駿聲家傳鴻緒丈夫四方志尚不厭手蠶煙瘴  
雨之間才名三十年自超出於光風霽月之表試令言游  
之室已操空賤之琴何以假當為真猶此輕車之就熟路  
惟其有是以似豈特利器之過盤根小遶五柳之陰趣下  
九枝之檢某徠徠性野鼯鼠技窮高山擁縣青曾不濃於  
歸興春水護田綠亦安有於去思屢襜被以問涂旋挈家



而還邨吾且自厭人其謂何豈不懷歸畏此簡書竊有交  
龜之喜道之云遠瞻彼日月願聞扶馬之期

通趙知縣

方秋產

巖巖債色公方勇棄於及瓜僕僕脩塗誰使不遑於擇木  
適觀取舍復有賢愚敢致一行之書願聞教語之誨共惟  
某官鑑湖冰雪禹穴風煙自同餘子之早不受諸公之力  
初河陽辟溫造欲取一人而拔其尤然潁川留寇恂重違  
百姓而諾其情竊尚推操無負聞聲傳聞桃李之春熙想  
見桁楊之雨臥白日少王事相忘扣角之歌青山在縣門  
貞可彈琴而治有令如此其民自醇遙知秋語於柳陰惟  
恐遙頒於芝墨某多幸覩朝陽之鳳同班飛太史之鳧顧  
色在萬山間所謂人棄而我取柳身墮百僚底亦惟大點

而小癡失脚於茲噬臍何及必若李也始信君侯之眼高  
有其棠焉知為吾民而眉蹙如曰教之製錦則予敢不書  
紳望美人乃一方度幾玉我共明月於千里翹想金相

通宋知縣

河陽之花滿縣將播仁風玉川之屋數間行依德宇載念  
論交之始可稽候訊之恭伏惟某官器識疏通丰神凝秀  
淵源有自廣平之風烈未衰文獻相承元祐之家聲如在  
早登歸第茂鬯方猷寶鎮琢圭無瑕可指黃鍾大呂隨扣  
輒鳴更迂館殿之才來尹山川之縣百里而恢牛刃未展  
宏摹一武而上烏臺定循近轍某猥慚迂謬方幸退藏徒  
與老農共負耒為民之喜愧無宿學辱過門問字之勤

通崇仁曾知縣 顧秀

李梅亭



曉行湘水我方尋款乃之歌春靜巴山君來賦為于之曲  
非鈎魴之厚味漫致鯉於長鬚共惟某官忠恕家傳倫魁  
世業恢恢游刃如錐之囊中在在影纓皆羅而致幙下處  
適通玉籍屈縮銅章願避譚公之維私不云水之可厲  
維寶唐之補邑固麻谷之舊邦錦製此來繡行甚寵改邑  
不改井易地則然有土此有財得人焉耳奉潘輿其孔通  
馳魏闕以非遙某兩髮白紛隻身墨隱昨班文石不能誨  
館下之諸生今戍武崗幸不失黔中之上佐出晝尚遲於  
三日受滕願託於一屨操韓子赤縣之權晉妄干於薄少  
荒鄭虔蒼苔之屋尚見托其歸來

通長汀黃知縣

方壺山

三山福地聚廬而居千里鄣江分邑以理然而實異得以

條陳材有智愚境分大小京秩之推穹而選人易與相門  
之望重而宗子則輕况又未至而不先與乎僻左而非近  
相去霄壤遠甚並稱子男得乎某官質本天成美亦世濟  
儒服醞藉不墜家聲習襟玲瓏無非縣譜沛乎易矣有以  
覘之獻羨司征百乘之賦何有蜚聲貳令壹同之主可知  
果以最聞孚于衆聽不嫉頑而攘攷者息不留訟而凶囂  
亦消孰疑長汀之民難化以理或問在定之後誰登于朝  
郎選方虛公歸則重某半生良苦一第可憐更十九年雖  
紙亦乳凡再三仕如魚上竿曾未闖於金閨誰實驅之鼎  
鑊業已失計真諸勿言寄聲抗境之民望來毋遽促膝槐  
堂之上求教乃行槩見於辭毋孤所望

與蔡知縣

朴

方壺山



有美種花煩公毅壁薄言未藻荒我芋田行微惠於琴堂  
敬登名於籤室共惟某官負魁豪之學生仙聖之鄉耻蟲  
篆之文辭自期甚速擢龍飛之高第所立素高有如雲霄  
濶步之物宜在風日不到之處既棲矮屋又省何曹逮再  
聽於臚傳盍徑躋於鷓列華亭鶴唳方忻近尺五之天葉  
縣鳧飛乃願易一同之地吏驚神令民詠慈君有畫簾寂  
寂之清無朝鼓蓼蓼之謗然而牛刀施於鷄肋驥足旋於  
蟻封聞諸廟朝方旌褒於三異由此臺省將容與而九遷  
棠陰佳哉樵水重矣某稍知自勉竟不能奇京兆閭浪仙  
之詩名非其好也內遠嗔風漢之對語順而受之一科何  
補於遺餘本志自怜其變化得溫所業幸冷其官安敢招  
諸生而誨焉所喜事大夫之賢者列後堂之聲樂素乏豪

名聞武城之弦歌恐有愧色中舟所蘊副墨具陳

回浦城趙知縣

方烏山

瑣闥奏捷琴譜生輝倚佳玉孫已接鷓鷯行之武業進士  
舉更希龍虎榜之榮旗令四馳紳笏相慶伏惟某官祥麟  
一角威鳳九苞途轍甚夷見謂金科之彥鍛鍊良舌未忘  
鐵硯之心暫閑百年之力來酬萬蟻之戰仰哉操筆易甚  
探囊功名遠到之必然富貴相遍乃如此佇飛鳧鳥大展  
鴻圖某方賴寅恭却成薦送辱投珠之甚侈愧報久之未  
能比拜恩綸復屢賀牘何哉薄書煩委之內有此翰墨遊  
戲之功鯉錦遺歸諒亦喜途於具眼甘裝行戒免旃徑取  
於勃頭奚望之私染濡莫既

回仙遊興化兩縣宰

方烏山



幕麗德公之高未嘗至邑無范孟博之譽誤俾登車來有  
味言深因高誼敬惟某官琴調甚雅囊製無瑕讀書松竹  
林良多暇日種花桃李縣已滿清陰只俟雉馴即看鳧入  
某舊聞其學今言而知之武城聞絃歌君想自期於言偃  
發蜀道負弩矢我獨耻效於相如徒深巾笥之藏莫效襜  
偷之報

回宜春劉知縣

方秋崖

郡國選侯何為及我江山帶郭所幸近公第令琴意之春  
豈勝戰衛之望伏惟某官卓爾循吏異乎俗儒懷南豐之  
辦香久無績者詩江南之別派不在茲乎遍鶴鳧烏之飛  
近有豸冠之例某少所諧可久於廢閑何意驚猿忽相從  
於春水聿來烹鯉知自即於畫簾惟不擾以治之則無似

之賜矣

回分宜陳知縣

方秋崖

言林其馬僕方鼎來有翩者鳧公乃解去所謂交一臂而  
失猶幸及半面之春伏惟某官粹然天球陳在廟璉成齋  
先生之宅相必昌於詩季方難兄之故家奚為乎縣整整  
三載之績平平六院之除某生而草菲老矣荆棘忽相從  
於僚友則契所懷顧已上於更書何見之晚竊願有請無  
庸遽歸

回萍鄉道知縣

方秋崖

山林深宓何自為州更點分明幸哉有尹聿有來於藻翰  
胡猶靳於樂言伏惟某官三十年之籥雲二千尺其溜雨  
落霞孤鷺誰則詩之朝天雙鳧鳴其飛矣自有入壘之迹



列何言作縣之古難某生而草茅老矣荆棘忽相從於春  
水及爾同寮惟自靜於晝簾乃所願學有錦之製母玉爾  
音

回沈知縣

方秋崖

雲飛鳧鳥春治雉效事大夫之賢坐想彈琴而治去父母  
之國何當騎竹而迎遠哉遙遙于以負負共惟某官毫端  
蒼霽之秀胸襟湖海之豪孤嘯風煙未覺休文之詩瘦獨  
醒塵滓寧甘東老之書貧縱不盛之白玉之堂奚至屈此  
青山之縣民瘼極矣吏奸柰何如使倒持太阿而受之焉  
用若發新硎之為者一牛橫笛第令安雨外之耕五鳳塗  
芝政恐有日邊之召願言公尹留惠疲氓某起從田間寘  
之幕底邊城吹角毛錐顧安用哉茅屋生苔老生亦欲歸

耳自笑儒官之誤每思農畝之荒望美人乃一涯庶幾玉  
我共明月於千里翹企金相

回黃知縣

方秋崖

齊飛五鳳趣起雙鳧相傳紫橐之家直聽履而上耳不鄙  
青山之縣欲彈琴而治之覺松竹之自於與草萊之相負  
共惟某官家聲江夏人傑洪都左圖右史之往來無虛名  
下南浦西山之朝莫盡在胷中故嘗出其緒餘所至為之  
特立謂且破拘孿之格便當趨禁近之班璽絲乎保障乎  
方軫垂旒之念野馬也塵埃也亦煩製錦之材然而四轄  
六院之除多在一同五月之最民望攸屬公行勿遲某白  
塵一料不啻十穩拙於涉世曾掌故之幾何故以還山煩  
惠文之彈去今既久於耕雨亦無復於問天但得縣公如



漢吏之循則與里老共勝氓之幸看山無笏或容野服而  
迎種樹有書儻遂巖棲之托其非公事寧敢私陳

回許知縣

方秋崖

璧琮線藉已後公車之章金薤琳琅更動私室之謝第驚  
作者伏讀快哉共惟某官落落乎千丈松昂昂然九臯鶴  
不肯起起嘯嘯而處富貴頗亦嘻笑怒罵而成文章忽賦  
硯山之詩豈坐藍田之記縣官極不和耳曾奚傷于雨之  
名小生欲相吏耶政恐犯朱雲之誚夫何喘玉於穆斷金  
某退省其私焉能為有雖是翁不足與竟事翩其去之謂  
同僚未嘗知人過之遠矣不知徃斐敢拜重勤

回高知縣

方秋崖

晉告教晉保惠多幸同寅如升高如陟遐文章旁午公豈

欠此僕其慊然共惟某官聲搖西州秀出南斗脩水壯哉  
縣如絲之棼明府我輩迎刃而解天朝近只數日去之某  
甚矣貪賢忘何慘別草木同味亦聊致區區之心桃李不  
言又奚煩縷縷之謝讀之面熱毋爾盟寒

回蕭知縣

方秋崖

迂荊州牧政坐平生之草茅移鄭公鄉方竊緒餘於薤水  
明以告我聞斯行之共惟三舍流源五經鼓吹澤其棠笏  
極知雪案之尚寒彈單父琴聊與雲山而小駐諒不待齊  
丘之瓜及已相傳漢璽之芝香東海生雅意本朝今行召  
矣高皇帝能用人傑可復許手某生而惡圓至則遇坎戮  
揚干之僕縱不得中行而與之避庾公之塵乃率老夫而  
至此願言提耳敢勿開心



回胡知縣

鄭雪巖

出宰山水縣仰羨展勤久遊翰墨場自慚分教屬鴉林之  
未集致鯉素之稽遲敢謂謙慈先勤損墨共惟某官學有  
源委惟率本真日光玉潔之文四舉何淹於禮部鋒藏電  
掣之手大名已播於民曹自宜謀謨於廟堂胡乃棲遲於  
州縣屈虞詡於朝歌之往盤錯可知得尹鐸為晉陽之行  
保障有賴逮險阻艱難之歷盡乃功名富貴之鼎來謂勿  
徒勞自應超異如某來從環壁偶掌泮宮以古心讀古人  
書寔非故習仕今時慮今世事空有隱憂聞君無暖席之  
時起我作同舟之夢春回雷土波及斗城焉用牛刀已著  
寬柔之效會飛鳧舄共修文字之盟占報恨遲有懷莫罄  
回趙知縣

鄭雪巖

今年春早已減風寒百里雷轟頓回地燠人誰借問公定  
不凡某官布象云初割雞仰戲柳稍綠淺梅英紅少幾度  
歡娛麥岐秀發秧穎青芽一番念慮了却勸農公事端為  
得趣良辰只恐栽花已催飛舄某幸逢知己何待卜隣不  
遐金玉之音決非常調認得芝蘭之味賸有餘香良荷先  
施甚慚不敏

回興國湯權縣

鄭雪巖

忽承明月之投知為高作雖未清風之楫已快素心久撲  
塵埃若臨冰雪共惟某官鑑鑑逸韻楚楚英標文落人間  
皆謂得淵源之正詩雅江右諒不求締繪之工永諧韶護  
聲盡洗笙笛耳白壁宜薦之清廟碧梧當植之邃庭豈伊  
烟瘴查靄之區可寓風月逍遙之典毋嫌迂步要亦假途



期立真文丞會遇昌黎之刮月澤民非俗吏豈無坡老之  
賞音當今捨公誰哉必有為王言者集偶來贊畫茲幸正  
名對兩高歌曾慣無羶之冷燃燈卓檄豈其入幕之長有  
好斷金其人如玉想署雁鷺行之暇聊試割刀不妨鷗鷺  
盟之尋敢忘寄鯉何時覩面共我論心

回永福知縣

劉後村

受河陽之書幣甚矣懷慙聞武城之絃歌凜然起敬相望  
數舍敬削一牋共惟某官氣蓋郡公眼空餘子談笑自方  
於管樂縱橫暗合於孫吳大學諸生咸伏搗文之敏集英  
進士共推對策之高早決勝於文場又宣勞於戎幕當朔  
運衰微之際乃人子奮發之秋豈有時髦屑親民事候雙  
鳧於巖邑未免淹翹收八駿於天閑佇看騰踏某頓辭闡

屬自乞祠宮嗟菽水之屢空迫弓旌而復出祓願至此清  
議謂何吾輩同僚既託金蘭之契子明告我願聞樂之石  
規

回建陽交代葉宰 夾孫

劉後村

男邦執壁索已成陰老圃扶鋤瓜猶未熟曾是見大夫之  
使及於新令尹之門敢掃空跡以修好雅共惟某官淵乎  
似道默然知言鳴鶴在陰有唱必有和祥麟見獲以德不  
以行粵自名登臚任以來不知世有速化之事君常白義  
與命詎肯以身徇人晚詣公車驚委質青衫之敵晨趨廣  
殿瞻臨軒黃繖之開惟徐行乃執事之素心而湏入亦先  
朝之良法雖為令吏尚有古風鞭笞盡弛而令行鈎距不  
施而情得以已之誠待物之詐操此之簡應彼之繁蓋有



得手蓋公清靜之言且暗合於陽城抚子之說訟筒寂寂  
泉布源源通邑大都過客必談於佳政深山窮谷逢人亦  
詫於長官頗聞百姓之愛公惟恐一朝之去我未容青史  
獨書馴雉之祥將有綠綈來趣飛鳧之入某剛介不媚搞  
乾無華少以功名自期慨然投筆晚知富貴有命退而讀  
書貧未棄官格當為邑頃未道傍之誦誦參以見聞切欣  
閣下之規摹易於循守惟恃此以無恐遂居之而不疑飛  
來花縣之書驚破茅簷之夢歲不我與豈敢即於宴安秋  
以為期幸小寬於趣迫

回江陰何知縣

李梅亭

送紙上之軒昂皆我輩語就暗中而摸索乃吾宗家有味  
其言不知所賀共惟某官人門具羨天分仍高日食萬錢  
盍追隨於伯父地方百里何局促於子男聊繼益昌之功  
名即見中年之除寵某日之夕矣人謂斯何乘輿而來漸  
有回船之意同姓為近空於推轂之情

回交代江知縣

戴象麓

趣巖星駕來蒞雷封措大規摹正自笑割鷄之拙神仙步  
武何幸報飛鳧之來望風忽拜於魚緘涓日喜交於龜篆  
仰酬先辱俯愧後期共惟某官氣節因綽歷而益高學問  
以老成而愈博宿乾坤於胷次戶牖玲瓏噴河海於舌端  
波瀾汗漫宜自珠曹之掾即聯玉筍之班尚以夢筆之才  
試此製錦之手跨劍閣之鳥道收拾山川於子長周游歷  
覽之中試武城之牛刀發越絃歌於言偃學道愛人之素  
况此鴈居之莫集與夫雉堞之未全末後未了工夫儘足



施補袞之妙手將來出新意思或可蓋揚柳之拙才不妨  
訪坡老之蹟於獨秀亭前更與彈拜妃之月於八桂堂上  
追回禮樂總歸和氣點檢江山盡作太平孰後孰先且低  
回於草浦以趨以走行促上於瀛用某造次鮮草凝點各  
半莫能傲米五斗宜彭澤之未歸徒尔飽飯一升或山陰  
之粗治黔馱之技止此牖魚之興悠哉終茲三年去以兩  
月忽拜麻絨之寵轉濃菊徑之思全賴匿瑕庶無洗垢敢  
期求舊行托契於子孫何以告新願推仁如父母悰懷易  
感駢儷難周

回顛縣張知縣

孫養晦

媿二水以名城古為望郡分十同而置邑顛方舊邦方舊  
尹之及瓜趣明公之行李來之何暮歡不自勝某官寬厚

而不流靜在而有守平生才力游刃而發新硎晚歲功名  
啖蔗而入佳境尚拘新制來字遠民人有常言以未脫選  
之為善士方改秩又歎作邑之為難未辦事則傷於民事  
守法則拂於上計無能出或者援例而取之下有所持又  
將以罪而去矣在今日堯舜之世而未免此患雖前代卓  
魯之出而亦安所施睥然通材臨此壯縣凡衆人之所病  
皆談笑而盡得之假其年而有為其召擢無可教者某尚  
縻越俎未遂同舟小子不知所裁莫報長牋之施大事則  
從其長姑為它日之圖情有相忘言之無恐

代見泰寧趙知縣

長邑親戚因陳薄而見帝

戴象麓

省親千里來依仇簿之寫栖借譽一言獲拜喬仙之鳧鳥  
夢寐幾年之附驥黃緣一日之登龍叨幸自天知歸有地



共惟某官帝室石麟之種仙源彩鳳之姿密迹日雲趨宰  
寄居行都徧承雨露聲猷掀宇宙直不減千里駒之才文  
彩端朝廷自是賦五色日之手合在學士八埒之地暫持  
郎官百里之權下車未播於政聲前席首加於士類滿城  
桃李盡勞門下之栽培一介芝苓亦願籠中之收拾伏念  
某迹窮株鬼見小醯雞春秋郡泮之藿鹽朝夕親庭之菽  
水窮年鑽故紙僅窺豹之一班寸畧試陳文屢戰蝸之兩  
角未肯退焚舟之志聊且為負米之行假途孔文舉之通  
家傾蓋趙平原之半面念表叔忝邑曹之末獲事周旋而  
媿氏亦公族之華無非繾綣機會之來非偶幘幘之託何  
如冷灰願借於吹噓斷木冀為之潤色况寸效未收於藍  
綠而歸程欲趨於槐黃黃谷微枯所欠幾分和氣

餘潤願分一點之恩波



新編翰苑新書卷之二十一

續集

縣寮類

縣丞

主簿

縣丞

縣尉

通寧鄉陳縣丞

李梅亭

武功之丞簡靖久矣沐芳臨邑之簿卑棲茲焉假蔭敢以  
尺書之敬進於再拜之先共惟某官遠抱甚都壯猷孔碩  
清明志氣胷中風月之無邊沈浸文章筆下源泉之不擇  
盍徑要津之立顧淹賡邑之留鳳凰自下而升高聊復爾  
耳鴈鷺鉗左而摘右端使然哉雙陸之勢無休九萬之程  
斯下某崎嶇副墨漫浪句朱士安得自高安歆此鄰之託  
余方有公事願聞掃溉之吟



贊府望高聊對藍田之竹閑廳食少生荒茅屋之苔行矣  
 熟瓜斐然削櫝共惟某官筆精墨妙學廣聞多生於西山  
 之鄉淵源甚遠若矣南宮之戰精銳不衰竟脫白袍逐紆  
 黃綬睠焉樵水邇甚扮卿日我兩松之間地僅一嶺之隔  
 官箴霜凜丞政不聾判筆風生識誰得噤然以博習寬通  
 之素加之淹翔練歷之深鄂表交飛當路爭先於勝考鵷  
 行平入中朝况用於老成宜有裏言俾儀表者某少豪自  
 喜長拙無奇詩得浪仙之名非其好也策遭風漢之目恭  
 然安之偶不失於家醴詎敢當於教席以嫌不可否丞之  
 設端使然哉相與問襟期今而後吾知免矣心之依倚辭  
 不究宣

回寧海陳縣丞

惠孫携陳司業書來

鄭雪巖

素結魚緘榮生駒谷得陽公司業寄字良慰交情知藍田  
 文丞其人皆吾臭味予方問菊君乃我松幸受一墨有光  
 三徑共惟某官清源望地潁川德星不墜家世典刑綽然  
 已試斷無世俗崖岸郁乎可觀正當早暝之餘有望廉平  
 之政爭鉗紙尾坐照機心逝流必會其源克念厥紹下車  
 先求其類取友必端以若所為可覘遠到某官田已晚入  
 林頗深濫巾招隱之山回轍爭名之府誰能備問定是不  
 凡賦歸去之詞亦何暇巾車之命詹來遲之句恨不居竹  
 馬之先聊謝先師自愧不敬

回諸縣丞

方秋崖

久卧秋崖何心剖竹忽臨春水屬耳哦松翮其藻翰之來



胡不樂言之告有如粹秀當在清華予不負丞丞負予尚  
題雀壁我匪即人人我諒溢欄章某生草茅老矣荆棘忽  
有同寅之幸庶無已亥之訛以頌不規則非所望

回張縣丞

方秋崖

野叟何人忽臨繡水大夫賢者適在錦鄉天所以惠幸其  
無能居於是盤旋而未出伏惟某官粹以趙玉宛其國珎  
水文章家自有乃翁之科目為神仙吏已先諸子之計偕  
梅隱甚高此期近只某寂無世念忽奉息除老子從牛背  
上來未知為政素書自魚腹中至魯靡贈言以頌不規則  
非所望

回趙縣丞

方秋崖

漢竹分符淑吏紛之旁午楚蒞涉筆欣宗彥之同寅蜚檮

粲如驅車至只迺瑞麟之秀盍儀玉鷺之班予不負丞  
丞何負予姑吟松署主固擇客客亦擇主諒溢薦書某志  
護本根味均少未我媿元英子矣幸山水之相知君非聊  
復翁耶儻箴規之樂告薄言占復切幸丙融

回趙縣丞

方秋崖

藍田千竹喜入吟邊揚子一躔適在宇下雖若燕鴻之避  
雅聞笙鶴之音共惟某官曾身為盤石提筆秋風  
之戰雕已疊雙袖笏樵溪之遊鴻方漸陸脫或肯排雲而  
器閭闔安知不跨海而望蓬萊資歷拘之歎息久矣世豈  
舍我姑徐徐六月之飛丞不負予寧鬱仁千山之底式造  
薦墨不次除綸某久卧秋崖偶塵壁水聞絨見諫議之面  
三印斜封論文敵開府之詩一樽何日有懷主仰無數載



藏

回趙縣丞

方秋崖

誕書政景休有頌聲辱在膝屣衰經詎容於旅賀不圖禰  
刺葦裾乃肯於臨存既莫迎玉矩之光其敢拜水條之直  
轍上還於記府當別濶於賓閣

回李縣丞

方秋崖

夙戒曹裝言歸鄭里哦松近只後崔壁之新題折柳黯然  
有膝屣之遺愛某未終素鞵徒帳錦帆惟諸大夫共集於  
離筵俾不肖孤難參於卧轍我之懷矣願餐金鼎之和王  
曰歸哉適濶玉班之峻

回何縣丞

出綸楓陞涉筆槐廳頓仕帝京早識三何之風味茲游佛

國重陪貳令之吟哦展賀臯遲先施倒置某官人温如玉  
名重於山鍾淑氣於七公五相之門蜚大聲於千英萬俊  
之藪策勲場屋遜封胡群弟之先登對策殿廬皆是董諸  
賢之忠告倒簾漸逢佳境寒花賸有晚香露政事之一班  
發文章之三昧金灘鷓鴣之舞方爾呈祥藍田鴈鷺之行  
又還寄徑况今棣萼正位相臺諸公推挽之亨途薦墨紛  
紛綸手盈篋已不即人人即已爭願賞音余不負丞丞負  
余行將召擢如某迂濶與時背馳贊畫京幾自掇中都官  
之怒談經宗枝莫逃貴公子之嘲所奉知己之來必有相  
規之益既見君子則喜敬在下風不與執事同心有如曠日

回丁縣丞

王臞軒

命錫芝函摧分穀璧鴈鷺以行進方驚貳令之威鯉魚從



遠來忽拜尺書之寵先施例置亟謝返遲某官續昌黎似  
經之文生江淹夢筆之地負鄉先生之望私淑者多奏子  
大夫之篇成功則一倒箴既逢於佳境寒花曠有於晚香  
俯為涉筆之游來贊鳴絃之化哦藍田之松而有味紉楚  
澤之蘭以自馨余不負丞丞負余能使花封之重已不即  
人人即已趨歸柳院之班如某其人何庸於世少徒有志  
文場親被於百創杜不如人宦海總航於一蒿劫來蓮幕  
密邇規亭不徒降識君子之心且有見似鄉人之喜州縣  
徒勞耳俱未免俯仰於人富貴何有哉要相期遠大之業

回達陽黃知丞

劉後村

傲戒行裝榮趨華次理紅藥碧苔之詠宜屬雅才為老槐  
鉅竹而來足知高致方將聯事敢後修辭共惟某官場屋

橫秋貴名揭日文盟素定布帛敢不心降賦草一傳場屋  
為之紙貴既擢太常之第益為文館之遊然猶作使一行  
為丞再轉在君子所養者可謂厚矣任人物之責者能無  
愧乎給札而賦上林會有開於薦口草書而招贊普行入  
掌於詞頭某猥以散才領此劇處方有曠官之懼忻聞贊  
府之來闕政必規君之惠非所敢望也署名惟謹丞之設  
豈端使然哉

回錢塘趙縣丞

李梅亭

余方有公事鼎來赤縣之官曹我未免鄉人益愧白頭之  
幕府有勤執訊敢闕報章共惟某官卓爾不群飄然無敵  
尋清洞中之字已書會計之功展錢塘江上之圖更動  
吟哦之興手版暫煩於畫地觚稜何遠於去天某轍鮒孤



蹤磨牛陳迹喜似人於千里况辱託於扮揄雖異事而同  
寮尚不遺於封菲

回富陽趙知丞

李梅亭

倚使者之車笑癡兒之未了題丞哉之壁間公子之鼎來  
未果修辭先勤執訊恭惟某官五潢龍種千里駒材早宣  
采棒之威生獲綠林之賞鴈鷺籍行而平立端使然故鳳  
凰自下而升高恐不免耳某強名入幕正愧面墻赤縣官  
曹喜依仁之有幸黃塵衣帽或分蔭之自今

代回宣仁張縣丞

李梅亭

升陟一章何能借重謙勤尺牘又復拜嘉其文固是粲然  
此禮畧之可也共惟某官清餘家法敏有吏材翠竹深林  
久已觀於停峙老槐古縣茲良費於吟哦無俟書來亦當

刻入未見分毫之補又勤四六之貽某辭壁未能瓊又之  
棲臺近水柰何秋月之蘭干桃李成蹊佇見春風之披拂

主簿

通劉主簿

戴象麓

學製罔功粗喜及瓜之近同寅有幸暫煩棲枳之勞未貢  
柔緘先蒙珍粢共惟某官螺川作者蟾苑仙才生六一公  
之鄉邦見推翹楚擅二萬人之場屋允謂英奇經國之文  
色正而芒寒名家之學源深而流遠既喜得親傳之衣鉢  
必能大旌表之門閭雖已久於聞風願何遲於披霧然自  
奮身於蘭省使當策足於蓬山姑少淹記注之才大其器  
識不憚領勾稽之職撫此凋殘願推平生學道之心共致  
百里字民之政其戴星無補積日徒勞邑遭再燬之餘而



民覺無聊之甚惟爾絲保障粗達其宜故微訟貨則難裁  
以法曾撫摩之敢憚幸疲瘵之少蘇其如未路之尤艱政  
同察之相免天開辛會果諧訪戴之盟日借輝光行有休  
劉之使其為占謝莫整頓言

通寧卿蔡主簿交代

李梅亭

望俊躔於淮海知敬儒先間遭道於洞庭偶從誤後貂不  
足而徇績鴻高舉而燕來及未治任可無執訊共惟某官  
負材鴻碩蓄學駿厖中郎典刑晚亦宜於東觀客卿富貴  
又盍見於西秦吾道非耶公等在安跨揚州之鶴安得自  
高麾湘水之蛟能令公喜方今漢庭之老用矣敢問吳會  
之意何如某志天心勞材疏意拙不補欲釣鰲而未能五  
披易窮竟屠龍之無用所賴鳶鳳之先戒棲枳何如無謂

牛羊之下來求芻而止尚托子孫之契欲窮師友之源向  
來一辨曾南豐苦難並世安知四海習作鑿齒不勝讀書

與馮主簿

方鳥山

士得自高何妨矮屋官名獨冷惟有泮宮昉此內交斐然  
通贊共惟某官天賦甚厚地望素高西京循吏之家豈其  
苗裔本朝倫魁之彥遠矣源流靡須十上之勞竟取一科  
之寵雖曰卑棲於枳棘且忻密接於枌榆長欣季習之盛  
名爭為署剡士間鑿齒之緒論勝似讀書然而官未稱人  
位不踰德四十為主簿未足為淹三人至宰司曾有是比  
聊爾勾朱而入墨行芳邈紫以凌青某習於箕裘腐矣鈔  
槩少鳴場屋耻為舉子之文晚對殿庭寧入狂生之目薄  
言采藻乃幸識荆反教人為惟夫子今而後免能令公喜



微執事吾誰與歸依倚方深敷陳罔竟

回新趙主簿崇法

戴象麓

先奉綸言榮司簿正古號章江劇邑政資佐理之長材公  
乃仙漢英游幸借勾稽之敏手天昇夙恭之會日深致望  
之懷敬飭慶忱仰酬先辱共惟某官帝苑一角麟之瑞士  
林九苞鳳之奇學問得源流太乙吹夜黎之燭文章妙機  
軸天孫織雲錦之裳繇素緼於茂猷且亟躋於既仕合直  
上校讎之府何尚煩管轄之司大才蓋無施而不宜遠到  
亦自近而後至暫茲棲棘少淹佐覽之鳶行矣蜚英即快  
祚衡之鷄某儒生不武邑寄奚堪鼠技嗟已五窮鴛才豈  
宜再駕以小已之自揣舍大賢其疇依忻幸耻來預喜闡  
金之託扶持厥後全資藥石之規占謝雖勤編摩罔既

回諸縣主簿

方秋崖

顏厚如甲聿來表江表和同寅乃有羽簿幸肯貽於藻翰  
胡猶靳於葉言有如雋聲當在華貫高人屈居此得無矮  
屋之打頭諸公爭致之必有雄墨之落手某宛其老矣何  
以教之豈乏仁人之言類攻謬守之闕不規而頌匪僕攸  
聞

回王主簿

方秋崖

尚逸少友恍昨夢於樵川其何戎談論樂遊於沂水有來  
顯翰采仞睠懷敬惟清霜紫電之奇盍邈緝霧紅塵而上  
胡然矮屋屈此高標交一却之間喜而不寐愛小王之帖  
藏以爲榮亟此占誦切祈丙啓

回趙主簿

方秋崖



麟鬻分夜雪之燈未寒草夢魚素迤春風之訊適近枳棲  
跋重論疇昔之心喜不隔同年之面共惟某官聲光如斗  
氣韻欲仙小奚佩古錦囊吟盡風檣之騷句太乙然青藜  
杖讀殘寶苑之秘書久已騰淡墨之暉何至試勾朱之最  
雲深曉殿盍隨鴈鷺之行花動春城式快鸞鳳之翥矜頌  
瑤札儀我銀潢某拙則未除資亦不改弓韜一尉樛櫟之  
材何堪硯老半生蠶盞之味故在抵掌豈并於俗吏折腰  
猶迂於世情群然龐吠之信中以蜂虻之毒官事未易了  
也猶已太癡吾道其果非耶奚爲敢愠延覲金蘭之好惠  
垂玉薤之規野梅吹江路之香尚類佳晤山雨詒爐高之  
舊重挹清芬

回李主簿

方秋崖

青山擁縣有嘉棲枳之鶯綠水護田誰記去家之鶴聿來  
瑤字如見玉人共惟某官輩行則魯靈光器韻則禹神鼎  
蓋謫仙人之苗裔無敵於詩何飛將軍之聲名不侯如故  
安有學者之北斗屈於進士之南廊帝曰嗟哉公等何見  
晚也仕其漫耳高人亦主簿耶第聞鄉曲之誦言少紆田  
里之愁歎幸無忘於鐵硯許重對於金臺立登政塗厥有  
故事某起從襪襖幾化兜鍪多病每思故廬曾莫遂畢方  
之崇此曹宜束高閣何當低太白之芒乃司金耀之書仍  
贊玉垣之畫其誰歸我所欠識公万户韓荊州今之恥昔  
一詣習鑿蓋秋以爲期斷金則同報瓊焉有

回沈主簿

方秋崖

夙戒曹裝迺趨儉幕猥辱驅車於委巷謂當祖道於郵亭



屬有負薪之憂徒切望塵之歎願遵暑律佳御涼彝倚瀕  
五月之報成驩傳四輩之召入

回連主簿

方秋崖

某聞衣冠化強暴政在吾儕議論無瑕疵甚慙公牘豈有  
朝廷之令甲不行田里之萌丁如公請張當實王化之外  
耳使民梗戾何以官府之設為嗟殫守其可欺挾危言而  
相恐君且休矣聽田載雪之舟義以正之願謹搢山之筆

回吳主簿

鄭雪巖

聞貴公子名已知一日千里攝部刺史職相遇二難同時  
薄效薦言何勤巽謝某官宗廟瑚璉階庭玉芝樊川賦詩  
嘉其秀異城南就學勉以勤渠斷非矮屋樓連會見亨塗  
奮迅某幸可負備何待子言平時禮樂之觀不勞歷聘異

日治平之最可想光昭所期力行聊寓焉復

回余主簿

鄭雪巖

有來鸞鳳之音聞于空谷不靳鯉魚之惠貽及幽人渴方  
望雲勝於得雨施先及我何以酬君伏惟某官璧水名流  
柯山相種覽德輝於千仞翔而集之訪仙隱於三賢今猶  
古也勿以簿書勾稽之未實主絃歌啓發之機羞作彈箏  
肯羨秋風之一曲緬懷搢鐸未忘寒燈之五更肯尋同盟  
是真臭味某雖未識回已先知心忝受塵而為氓非公事  
不造邑惕雄之居甚僻問子有誰習公之來可依讀書勝  
我願見君子固有遐心

回沈主簿

部吏

劉後村

僕為陋邑敢謂種花君自修門肯來栖枳乃修短贄以候



先驅共惟某官性行淑均文理察密周旋公府無刀筆之  
刻深馳騁士林有燈窓之勤若遠游閩嶠深厭京塵姑暫  
主於簿書即入還於省闈某服勞未久聯事方新若俗吏  
之所為非所望也過長官而議事倘有意乎

回林主簿

危巽齋

太守自謂濫叨分竹之榮主簿何如遠致維桑之敬欵哉  
高誼報以何辭伏惟某官鍾圓山漳水之奇似芸嶠蓬壺  
之彥豈應短簿而滯長身日對康廬把酒趨勾稽之暇暫  
游星堰坐曹推贊畫之良莫歎低回即觀識擢某瞠然一  
老愧此雙旌既有幸以依仁頃復諧於識面驪龍塘畔曾  
為倚馬之留鸚鵡洲前徒結棲鳶之想拳拳頌禱畫畫奚  
殫

回趙主簿

黃竹坡

仰唐室之宗英有如賀白拜子雲之筆札下視應劉鼎來  
先施之謙行接同寅之好某官金莖孕孕秀玉葉傳芳再  
戰而奪旗氣已無於前敵一命而佐邑賢不辭於小官井  
從卑飛無愧高士然下邑之佐背為幕府賓客之須明公  
此來何必簿書期會之應少望此府即幸其歸某寢負束  
書冒承嚴邑非假左右提携之助必有進退溪谷之憂百  
畝之田五畝之桑愧夙無於善政七年之病二年之艾端  
有藉於忠規

回建陽葉主簿

陳貧憇

判神京之袂猛憶笑談分德里之符獨慳悟對未辦棲鳶  
之問遽貽烹鯉之書敬用銘心不能去乎某官鄧林老幹



崑嶠素珍入耳聲名邁唐室何蕃之傳到頭梯級遲漢廷  
童子之科惟大器之晚成雖不容其何病母謂一官之擲  
燭實階萬里之扶搖勉事勾稽薄占經濟某遠携陋學游  
食此邦半月客塵喜乍休於行役十年郡俗疑頓改於見  
聞渴想警規以寬曠戾欲詣習主簿柰何蹤跡之差池回  
念鄭廣文勿替襟期之傾倒

回武岡黃主簿

李梅亭

深叢見孤罷曾聽阿房之讀遠方遺雙鯉未司臨邑之曹  
可謂聞音而楚然抑訝何見之晚也共惟某官源委深厚  
波瀾老成隸川第一之功因起甚廉之簿江夏無雙之學  
蓋觀未見之書暫須矮屋以擡頭即快安津之策足某因  
功教冒承乏佐州聾丞尚可送迎儻或免督郵之逐短簿

能令喜怒何幸同君子之僚

代回廬陵嚴主簿

李梅亭

老夫耄矣不堪再鼓之衰主簿何如猶致一牋之賀恐孤  
厚意聊且報章共惟某官汎分鈞瀨之清文似漆園之壯  
驛驢開道會即秣天山之禾鷺鳳冲霄始少棲人間之枳  
交章戴路增秩匪朝贈我明月珠可見多時之歛弄乞君  
飛霞珮會看萬里之頡頏某高卧北窻却遮西目軟紅可  
厭敢長恋屬車之塵堅白爭鳴惟欲褫稿梧而瞑謀歸決  
矣因謝及之

代回吳主簿

李梅亭

昭誣辨謗方欲賀君比事屬辭何為至我共惟某官居官  
能大遇事直前象有藍以焚身古今如此鼠無牙而連訟



事理固然幸疑似之既明將切名之致暫蹶霜蹄未為失  
何必尤人勿諱泥坑乃良規願觀進德

縣尉

通寧鄉李仙尉

李梅亭

一行作吏祭竈鬼以媚飢同官為僚倚尉仙而邀福可無  
牋記先布姓名共惟某官機暈浚明風猷膚敏千里之馬  
騏驎顧伏鹽車九段之魚鱗勛合登廟鼎鬱鬱赤墀之志  
匆匆米棒之行茅舍之聽雞聲孰非王事花村之無犬吠  
即是民庸人憐橫水之孤舟誰識倚天之長劍乘除必爾  
翹跂俟之某不自力田輒謀耕稼家貧親老成有待於斗  
升官小職輕亦欲伸其尺寸平生之短朱墨須寮友之助  
丹青償念卑棲難倚掣鰲之釣猶能拍浪請陪射鴨之方

與朱仙尉

柳

方鳥山

踐梅子真之職雖吏實仙哦鄭廣文之詩何官太冷及瓜  
之戍削積通名共惟某官咬閑摩空清規照世名卿顯相  
赫奕代之旂常阿大中郎萃滿門之麾節自見麒麟之墮  
地共期駒驥之越都胡以錦衣紆於黃綬太守如禮曰此  
聰明尉耶一即皆驚謂真斷決手也然而故國必有喬木  
思人而况其棠聞諸廟朝方褒錄世家之後如此人物寧  
淹留吏隱之間信鴻鵠之呈祥亟鴛鴦之就列某為儒而  
腐以才則踈黃卷對聖賢本不作科名之想舟墀對禮樂  
葦極言權倖之非誰今觸諱於轉喉敢嘆射眉而中日既  
與世忤反教人為維桑梓必恭今乃獲瞻於玉樹璧草木  
同味或來共聽於簷花依倚方深揆裁靡竟



回泰寧張仙尉

方烏山

瓜戍告期花城司警南宮十上恩榮紙上之雅北部一行  
喜動灘頭之鶴亟裁柔訥往候剛辰共惟某官器度端凝  
淵源深遠千古武夷山之麓鍾此英靈間年橫渠老之門  
蓋其苗裔早上甘泉之計晚棲苦貧之場以老將軍視前  
進士朱買臣之富貴維其時哉孟東野之酸寒此何官也  
薄遊宙地行上雲天某貿然來思無可師者不意寒羶之  
舊及觀采棒之新為君子僚方締金蘭之好我丈人行黨  
聞藥石之言依倚方深揆裁靡竟

回諸縣仙尉

方秋崖

幸來竹使老已頽然有美梅曹訊其翩只得為僚而甚幸  
何以頌而不規有如高凝當在華近尉仙吏也小煩射鴨

之弓吾何人哉亦扶怒視之石某苦無高論政賴人言還  
觀五雲之飛曾微半語之及豈不屑教則予所慙

回趙仙尉

方秋崖

野叟何人忽臨繡衣夫夫賢者適在錦鄉天所以惠幸其  
無能君於是盤旋而未出伏惟某官粹以趙玉宛其國珍  
本文章家自有乃翁之科目為神仙吏已先諸子之計偕  
梅隱甚高瓜其近只某寂無世念忽奉恩除老子從牛背  
上來未知為政素書自魚腹中至曾靡贈言以頌不規則  
非所望

回朱仙尉

方秋崖

傳吳氏之隱梅權然旁午倚曾宮而采藻幸甚同寅辱魚  
腹之通緘喜馬蹄之厭境占辭已晚有覲謂何共惟某官



筆下波蘭之老成，胸中丘壑之灑落。將軍百戰，胡爲看市人之先封；兄弟二難，頗亦怪大夫之後殿。黃絹吐辭之絕妙，青衫入手而未甘。謂當綴天上星辰之班，乃復墮人間神仙之吏。鼠輩相目此其聰明，尉耶鷄序有言且爲清望官矣。某泥古之學，背時而馳；讀賢於十從事之書，知同臭味。賦不願萬力侯之句，快觀光塵。

回趙仙尉

方秋崖

趣舍人裝，隱神仙吏。一琴一鶴，故有家風。八人八龍，雅聞譽處。胡鬻刺疆之手，小煩射鴨之弓。共惟某官，冰雪照人風塵滿抱，衢故太未也。盡攬爛柯之奇尉，其真仙乎？式瞻喬水之古，雖溧水欠孟郊之句，吳門有梅福之書。奚事弓刀，少迂塗轍。高眠田里北部，今無狐狸重酬。江山西臺當

有鷓鴣，某拙於涉世，故以還山。杞木棘而菊未莎，吾耕勞只荷爲衣。子蘭爲佩，公望久之得無休容，則降旣見。

回王仙尉

方秋崖

飄飄仙吏，寧隱窮山。冉冉老農，有來妙墨。彼美雙溪之秀，可忘三徑之荒。共惟某官，詩書典刑，家世文獻。問訊淳熙之相，印歲月幾何起分質。斐之天章，江山故在何意。解牛之刃，小迂射鴨之弓。蓋鷓鴣九萬之程，始從足下想鷓鴣一雙之瑞，已在目中。某且然得州決矢學圃，尔祀尔菊。維今無吠月之驚，某水某丘誰與共耕。雲之樂尚馭健犢，快覩匿犀。

回胡仙尉

方秋崖

以鄉曲英作神仙吏，日華五色亦何負。摩空之賦，聲春淥。



一篙且不隔揚瀾之水鏡火時近只梅屋楚然共惟某官  
根抵詞林鑑鑄文響點頭無據豈其黃卷之誤人燒尾不  
殊共是青衫之入手尚盟鐵硯重對金盞某百事不如一  
科仁補駕言出守倘遂賦廬山之高及尔同僚何幸際吳  
門之隱

回南康鄧仙尉

鄭雪巖

再尋仙隱到江水之發源忽墜雲箋光泮池人分席聞鶯  
鳴之有侶覺鴈影以非孤共惟某官抱經尋遺博傳匪癖  
一第何足溷者如穎處囊諸公亦大奇之若珍在席更加  
所養將大厥成宜平步於雲霄尚欲行於雷土儒者之效  
已試南昌曾見於蜚聲君子所存者神西縣必為之破膽  
少俟溪灘之瑞即膺鳳閣之除某久困葢塩溇采芹蒞梅  
花再見莫寄故人瓜戾前聞喜逢新友不嫌獨冷已有相  
輝勲業方來諒不笑人之寂寂傑期與共會須對酒於沉  
沉覲面匪遙定盟可待

回莆田方仙尉

前人

少而好賦曾聞莆水之名家礼以為羅令傍崆峒之仙隱  
本吾臭味先此惠音陳義藹然勞謙過矣伏惟某官文有  
機軸學紹源流視子雲相如之同工既正而則比屈原宋  
王之變雅終和且乎蔚然孤峰卓乎遠器自應搏扶搖而  
上也猶且覽德輝而下之不妨賡棧頭八境之篇姑且裁  
眉中一鋒之用由是通金閨之籍誰能淹綵棒之威某又  
向梅閨忽來蓮幕嚶嚶求友之助丁丁伐木之聲雖有同  
寅曷如其志風裁糾禫之暇頻訪吾廬日行籌畫之餘亟



迎子駕盡損世俗之好是為道義之真

回何仙尉

前人

夜光之璧暗投初非其眼秋風之鞭先着允合僉書敢習  
品題以為已力人方自諱公定不凡共惟某官圓機鉤深  
修綆汲古深造畫前人妙形為紙上之奇滴露斫朱莫非  
窮理草元非自默有知音蓋將得趣以忘荃豈但明經而  
拾芥同場俱北誰言有司之得人此易既東果見斯文之  
遇主唱先群士氣張吾軍固寧口誦項斯恨未面逢杜甫  
有來飛騎曾不鄙於警曹方欲訪鴻辱先施於記府勞謙  
過矣博義謁然某甫離寒檀却後油幕簡編卷舒之樂無  
復故吾微訟裨贊之難其誰玉汝茲有足恃將何以規臭  
味既同宜必罄腹心之告真情相與願盡捐笑貌之恭雖

未十於親承其敢忘於未好

回沈仙尉

戴象麓

疏思芝檢司警梅閔喜瓜戍之方新依輝伊始矧枌盟之  
維舊增抃尤深方奏記之是圖遽飛牋之首及一謙過矣  
三復欣然共惟某官間世鉅才濟時偉器傳多門之依鉢  
為清廟之璫璣歛三光五岳之氣於胸中散六藝百家之  
書於筆下藉甚雷霆宏隱之譽粹然風月光霽之標處富  
貴而不矜猶玉加藻遇事物而無滯如矢發機宜首沐於  
異恩遂亟躋於臚仕便合待金門之詔尚煩宣綵捧之威  
蓋扶隱推奸小試神仙之手而安民定國終須剛正之才  
暫為游刃之何勞行矣賜環之在道某濫茲學製愧甚亡  
竒胤技嗟已五窮驚才豈堪再駕方深圖於善後幸欣際



於同黃多事嬰心全賴蘭金之託一緘拜手仰來葉石之  
規占謝雖勤編摩罔既

回包仙尉

劉後村

題名杏苑昔忝年家問戍花村今聯王事方絲無窮之好  
敢修不腆之辭共惟某官胄緒清華品流高勝瑩窓雪几  
有寒士之素風塵尾唾壺无貴游之豪態惟今人物莫盛  
永嘉有宗工巨儒唱天下之文章有故官家俗接中朝之  
聞見况如吾子克肖乃翁直掇髭而拾青氈尚規首而紆  
黃綬荏蒲迹掃桑梓陰成田里無虞宛若太平之官府雲  
霄有路寧為下界之神仙某以蕞尔村當壯哉邑明所以  
燭情偽頗覓瞽昏敏所以集事功碩慙迂緩不待服勤於  
官守預知傳笑於史氏側聞少府之賢矧有通家之契君

子不黨寧翁以徇人同官為僚尚諄諄而告我

回趙仙尉

劉後村

傲戒行裝榮趨華次風流公子肯為隱吏而來老鈍長官  
喜得賢僚之助敢馳短贊以候前驅某官世德深長天才  
竒逸生麟趾之世信厚藹然讀鴻寶之書見聞洽甚願貴  
名之方起何常調之小淹然而邑素浩繁路居衝要將鼓  
之聲雖息帶刀之俗自如必藉精明始能填壓灞陵阿儼  
諒難逸於英才清廟圭璋行入儀於華貫某方憐寡助切  
喜同黃念時事方殷未遂淵明之歸去儻公餘多暇願從  
東野之裴回

回劉仙尉

王懼軒

蓮池水綠方為異鄉異客之游梅市風清喜有同年同官



之好未辨赫號而展慶遽蒙綠綺之貽音某官天分本高  
月評增重世有其崇之笏家法典刑人如濯柳之標風流  
醞藉自摘髭而登上第合策足而登華途胡以格拘來爲  
吏隱五色捧定優於巡徼一縣花必預於栽培早晚好音  
喜報鵲鷲流之瑞權輿大用頓增雲龍閱閱之先伏念  
某讀書不多諧世更寡忤時對策方輸黃甲之三籌竊祿  
養親何補碧油之一畫既素無巧官之譜又不爲時樣之  
粧正賴同盟時賜忠告州縣徒勞耳俱未免俯仰於人富  
貴何有哉要相期遠大之業

回善化黃仙尉

李梅亭

習委吏之會計正尔早棲聞飛仙之遨遊超然高隱方圖  
執訊先辱飛牋共惟某官文獻名流典刑勝十爲公室輔

家夙近於魁三有伯父風學諒求於已百願紆塗轍小試  
弓刀河西之尉淒涼不常厥邑湖南之地清絕幸疾其驅  
行即文章亟膺剡辟某冥心祭竈迫命代厨短主簿髯參  
軍總無關於喜怒殄落英飲墜露願同廣於離騷

回僊居石仙尉

陳篋窓

霜雪欺頭詎堪兵事煙雲到眼恍覩仙標荷高誼之相光  
媿短巫之獨後某官性天清昶門地高華挺秀虞庠共偉  
青錢之万選揚英漢殿少違舟桂之一枝契闊曉成低回  
小試遂以稽山之雋異屈於安洲之淒涼疊組方新固若  
得魚而取掌揚纓維舊雅應附鳳以攀麟會見甄升以酬  
蘊蓄某蹉跎書劍蹭蹬功名惟安分以無華亦強顏而有  
醜渴想儒冠之矩度以爲武弁之聲光丁獲議於字書母







則人自服多行好事正在妙年仁者安仁立使蒼生之蘇  
息相門出相行看華轍之飛騰如其其人見迂於世竭未  
入京兆之幕了不入時樣之粧援寡力微滿眼落惟之地  
道才踈氣直知心惟有於老天所幸名勝之可依必出宦  
譜以忠告道同氣合何當陪暇日之遊施早報遲僅免作  
隔年之債

謝吳監鎮

鄭雪巖

君已全閨通籍何待薦揚人知玉樹在庭疇不贊慶與所  
當舉豈俟有求要是明揚何勞私謝某官名父之子世家  
之英臺閣本未源流匪勞學治薄書監臨期會要是假塗  
必取青檀乃光紫索其偶然攝事遂獲尋盟天上麒麟兒  
喜門名之有繼日邊龍虎榜看盛事之相聯尚宜勉之永

為好也

回林監倉

王臞軒

宸衷出綸帥藩司度見者謂名鄉之子肯此盤旋今而後  
倉氏之官不為旦允稽遲展慶倒置先施某官胄子英游  
清時備望呼吸三山之秀氣發為詞源崔嵬雙闕之家聲  
不斷書種講聞素宦之譜佩服忠教之言翩然斜飛來此  
小試蓋乘田有職雖素王猶屑為之而治粟名官以國士  
亦嘗親此母輕出納可養經綸况當疆場之多虞正倚積  
貯以為命自今紅腐必無年饑用不足之憂不日綠縑趣  
奉歲入穀幾何之對有如某者見謂斐然仰破屋以哦詩  
嘔肝不悔俯天廷而對策空臆盡言收科翰鼎甲之三籌  
入幕之錐囊之一穎比於江西訪芝蘭之友謂於門下為



瓜葛之親略相先後以之官或可牽連而託契豈無暇日  
共觀鄴侯三萬軸之藏祇恐匪朝已預文子七十家之薦

回程監倉

林克齋

京塵眯目可勝河陽別行客之懷度候樓身幸有瀟湘逢  
故人之喜辱篤年盟之舊猥蒙雲翰之先高義凜然私衷  
惻若某官妙參道閫雄壓文壇夙傳洛學之源流俯按漢  
科之第一霜蹄得路洗比馬而一空溟翼垂雲搏風鵬而  
直上魚論早期於遠到冲襟不厭於卑棲兵食足於斯甯  
服聖言之旨會計當而已妨委吏之爲矧控帶於上流正  
倚毗於大手飽貔貅百萬衆自令列壁之精明舉筦庫七  
十家即被公朝之甄擢某受才甚下賦分多竒自屏迹於  
丘樊已冥心於造物詐意起家而贊畫遂令末路之得明

退之姑詠於盎稂敢云騁辦白也願陪於尊酒時與論文

回李都倉

陳負惣

同鄉擢第嘗聯八士之中內甸效官又玷雙負之未疊北  
多幸尤其一寒正步武之有期何飛文之首辱某官經邪  
宏博得寓遠深習中才籤三萬軸之儲筆下錦瑟五十絃  
之奏出其小小科名已如摘髭辨彼多多功業何啻嚙手  
胡爲煮海輒礙通津官由濁以見清事即小以觀大倚閑  
推轂即迂飛騰某一別何遙重逢已暮心如髮短已不問  
於行藏村與齒疎更味諸於出納幸逢雅故爲作朋寮驅  
其埃壒之悰扇以清明之醖歎一日機緣之寡知已幾何  
歎三年憂責之寬因人而已

回徐監酒

方秋崖



高州高士何意糟丘東里先生適眠甕牖契我屬饜之  
得君醒籍之奇伏惟某官郎官之清賢人之粹才酣八斗  
人言鳳穴之雛心醉六經誰謂鶡冠之若若稽觴政暢適  
詩情豈欲事椎破壚罌之爲方將養尔作翹葉之用金龜  
解換蓋猶仙人玉螯沉冥有醉鄉記聊復遺君之且去恐  
煩天子之呼來某自笑湘累之醒政生魯園之薄身名不  
如一杯酒何幸飲醇拍浮得滿百斛船倘客問字

回奚監酒

方秋崖

粵起鱸堂小留虎帳談笑青油幕安用腐儒飛墮碧雲戔  
甚慙鄉友此豈醉翁之誤我政恐空山之怨人不曰師乎  
何厭廣文之冷拔其尤者孰云處士之良尚邀扮社之春  
毋靳樂言之益

回喻監酒

黃竹坡

高懷如許姑笑傲於瓊林搗謙自將方鼎來於雲翰共惟  
某官圭璋其胄金玉其相抱負異能允矢千人之秀飛騰  
茂實籍其諸公之間豈能步兵之厨乃置清廟之器良醞  
可恋慙煩摧酤之謀要津立登遄被清華之選某折腰謾  
尔聞名謫如茲承修途發軔之來將遂劇談揮麈之便何  
時得出禁酒國曾微傲世之人累翅便築糟丘臺行致謫  
仙之客

回黃監酒

王臞軒

出綸天陛董醴日畿碧油九鼎之重言辟書甚寵良醞三  
升之可恋官况最清展慶臯逢先施倒置某官沉酣周孔  
糟粕在騷毓秀九華鍾清淑中和之井沂源雙井得風流



醞藉之深妙三昧於文章露一斑於政事家傳清白不隨  
世味之酸鹹宦業芥子賸得名流之膾炙惟神臯推酌之  
利閔大農經賦之湏逢麴車口流涎人背圖於俸得飲醇  
耐心自醉師獨念於舊交厥選至崇其言可味正可品聖  
清而賢濁不妨笑人醉而我醒名下無虛文暫樂仙壺之  
日月樽前有此客行班紫漢之星辰某之迂踈世所姍笑  
吟詩無用生涯不直於一杯遂祿何求親養已奉於三釜  
竭來賓幕不入時粧所幸名勝之來遂託寅恭之末既見  
君子則喜敢在下風不與執事同心有如白水

回徐州茶帛趙監庫

李梅亭

海上八月之仙槎昔幸逢於博望山下十年之老石今再  
遇於穀城樓其一夢之驚愧此尺牋之貺共惟某官風標

靖重器識端溫近世名卿疇若乃翁之清介當家與學定  
存是似之典刑紆餘入幕之賓叶相摘山之畫春風管草  
承燕喜之慈顏秋露蘭芽已蟬聯於宦牒佇觀濟美還入  
旁招某叨領慕願獲迎蠲首見名駒之汗血良慰故情懷  
野鶴於未仙還悲往事

回趙舡場

前人

巨川作楫夙知家學之高野水橫舟謾借時材之重袖長  
牋見異搔短髮以懷慚恭惟某官籍甚宗英蔚然相種若  
射有志已穿鷗鷺於西風其鈞維何行掣鯨魚於東海韻  
屈箕裘之學暫司剡剡之工當斧斤閒暇之時聊聽數聲  
之鶴唳收文字芳鮮之績即看萬斛之龍驤某巢慕非材  
濫巾有覩登天而攀蜀道昔逢峽水之倒流舡海而遡斗



門今覺村船之送上幸百間之一見及異事而同寮胡越叶心何況不殊於臭味魁台齊色尚期勉繼於芳馨

回新添差趙監押

前人

儒緩無庸濫分即寄戎招且整將倚宗英貽書粲然陳誼厚甚文有動於四六感益倍於尋常共惟某官曾出文昭學深武畧振振麟定夙高趾角之仁肅肅免置合任腹心之選以斗州之甚偏辱天族之肯來桴鼓不鷲藩維自壯某獲叨聯事將幸分憂察閭里之姦邪願無犬吠冠宗室之議論庶欵燕談

回高監稅李巡檢

李梅亭

區區薦士蓋抹公言疊疊陳牋何動私謝所願激昂於事業庶無孤負於品題報不成章言不盡意

回龔監獄

前人

懷湘屈之清來隱城池之上聞楚龔之潔實在邦域之中方圖和箋已沐泚記共惟某官器資庸敏業履端方清淑炳衡嶽之靈忠信挺巫嶠之秀學歐陽子端是百年能幾見之人師昌黎公願有四舉乃一得之歎謂高登於雲路乃勇退於急流游奉真祠益彰雅操寧與騏驎將與鷄鶩其從考澗之槃小不虺蜮大不鯨鯢可見在山之潤紅藥猶堪於傍砌青蒲會報衷輪某拙不瘡人猶弗諧世誨諸生於館下以冗見治試別駕於治中何卑敢憚正擬編浦之暇欵求按薤之規居是邦事其大夫願依賢者舉進士吾為同業能勿誨乎

回薛中庫

劉後村



別阿蒙於吳下尚記風標憶李白於江東至形夢想每逢  
交舊必問夫君勿聞馬首之來不知屐齒之折共惟某官  
心期磊隤氣宇英華所學山高而海深其文天清而水止  
有足羨質生于名家自常州爲多士之宗至端明任天下  
之重文獻之盛淵源所漸討論古今參訂師友涵養之到  
語不雕刻而工軀驗之精事皆迎刃而解吾黨寶之如拱  
璧諸公挽之於青雲曷韜其光來隱於酒意者覽別都之  
形勝因而攷六代之廢興登山臨水以抒其文辭枕麴藉  
槽以寄其豪放然而時尚多故義難旁觀人物眇然公等  
安在何來之幕實獲我心某本自倦游漫來應辟懇切空  
長於憂慮暗踈每濶於事情急書交馳舊學都廢方茲懷  
友何幸為僚買鄰而卜居庶償初志登臺而弔古倘許並

遊



新編翰苑新書卷之二十三

續集

武臣類

賀郭殿帥知揚州

果

應松湖

奏最殿岩總戎邊閫煌煌金節方拱扶斗極於紫霄黃道  
之間儼獵神旗忽鎮壓江淮於鋒節碧幢之下稟奉九天  
之睿筭瞻宣萬里之皇靈驩動轅門和薰比屋竊以羽林  
握天軍之要齋壇肅大將之威入則陞戟周廬壯七萃八  
屯之衛出則雕戈錫盾顯五侯九伯之征周條侯以大尉  
而將三十六軍遂平七國霍驃姚以司馬而領十四萬騎  
果克匈奴於赫聖朝遐參漢制皇祐之平交廣仗武襄宣  
撫於荆湖元豐之拓熙河郭宣徽總制於涇陝率繇禁列



出殿帥垣而况山西之將家無出汾陽之華裔中書二十四考獨盛前朝南度七八十年宗隆奕葉列第交施於棨戟豐功踵刻於鼎彝赫然芝檢之新貌是棠陰之舊一門將相米數北平之祖孫三世威名可繼慶州之父于某官虎視龍驤之勇鷲翔鵠峙之姿聯勾陳而扈太微懋便蕃於睚淫封姑胥而臨瀚海素慷慨於功名方胡運之衰殘軫廟謨之經畫念雖生等玉帳可逝遐衝不如馳至全城新上方畧屬茲謀帥無以易公較環尹而作元戎上意蓋深於北顧總勁兵而蒞大府先聲倍讐於朔陸鳴劍抵掌以輓關河犁庭掃穴以墟沙漠數燕然之石垂之万年挈輿地之圖還之九廟與國無極視祖有光某翫辭書生蕭疎冷鐵銅花欲蝕凜秋水之劍芒鐵硯未穿淬毛鏹之筆

陣迤瞻幕府頽曳賓裾推越河之鋒方聳聽劉琨勸進之表獻平淮之雅愧莫賡唐人皇武之詩

賀張總管

貞西山

伏審護細柳之屯屈司亞放告及瓜之戍愧辱先施載戢高情可稽報檟共惟某官深雄而有立整暇而善謀橫樂賦詩雅閑儒術輕裘緩帶克紹家聲駉鳴賓闈之聯清肅臚傳之句自遠九陞數總五符顧我連營已改旌旗之色抑君雋武會看旄節之傳某甚幸同寅已欣快觀典刑猶在仍尋射圃之盟氣緊相親預寄烹魚之素

與薛都總

王臞軒

爲紅蓮幕之游陪諸從事望細柳營之邃有貞將軍文武雖曰殊途彼此皆爲王事行將之戍敢不通名某官聲名



燭于水天忠義貫于霜日家傳搜略不求紙上之孫吳神  
授智謀自有胷中之方虎八面才何施不可萬人敵所向  
無前中外為更勞庸茂著董衛兵之戎長車駟蜀道以不  
辭剖宣化之符清節比鄆湖而相映便合齋壇而大拜乃  
煩專越於遐陬方今邊正飛塵虜猶假息三箭而天山定  
行揚家世之風一舉而胡庭空會見國讎之雪茂宣皇略  
徑陟殿岩如某其人見謂不武雖有清中原之志其柰才  
疎不圖為官海之游獲友人傑帳下願預聞於露布坐間  
幸無厭於綠衣氣槩尚同形迹可畧聞鷄聲而起舞又焉  
用腐儒為銘麟閣而贊功庶幾從執事後

通周太尉

洪平齋

伏以近長安之日記陪天上之遊對江東之雲健想軍中

之樂無從抵掌祇有傾心共惟某官氣稟西山聲搖赤壁  
號萬人之敵名在伏波翰墨之場當八面之鋒勇過晏子  
樽俎之略中國襟喉之既固外夷心膽之自寒况以真將  
軍堅壁之餘風而奉大人安與之一笑忠孝兩盡若是  
艱哉文武無資特其細耳功既高於敵愾賞未稱於酬勞  
擁中權於天塹之陽懷遠筭於析連之北雖講止戈之武  
不忘繫楫之心江漢草水之知名坐底山邊之靜山河帶  
礪之申誓亟膺兩鎮之榮某榆莢生涯菊花歸夢月明鵲  
繞每思廖橫槊之詩秋高馬肥敢後寄加漿之字

回繆路鈴

方秋崖

護我虎帳遡大微上將之光分教鱸堂笑廣文先生之冷  
抑何幸甚相與歡然共惟某官妙入尉繚子之書浩投定



遠侯之筆一元泥封壘各雖有其志而無時半段槍擊車  
于當奪之氣而挫銳蓋今鄰韃幾欲亂幸乃者長驅漢水  
之濱直擣樊城之險非峴首之屹爾則江面其殆哉伊邇  
秋風已無暇日不留賊以遺君父亟運帷籌誓安邊而立  
功名謬分齊越某朴如鄭鼠技止黔驢推別省之一變偶  
見收於犇北儕甲科之八愷曾未快其圖南何知經席之  
重獨喜戎旃之近燈寒夜雨共談儒者之兵字老春苔更  
訪醉翁之墨行瞻立玉式契斷金

回蘇路鈐

黃竹坡

上有恩言孰可堪於將帥公由人望遂出揔於兵鈐英聲  
四馳士氣百倍敢馳片削敬候前驅某官忠義自將勲名  
水文稟山西之勁氣用則無前讀濟北之遺書言皆可續

且大攄於英略尚屈總於外營風閃朱旗生弭龍編之警  
雨拋金鎖少安虎帳之閑第兩河屬望之深恨九廟掃清  
之晚登賢有日成效可期西取關山四十州當快唐人之  
誦益封將軍五千戶即聆漢詔之頒某猥以非才試茲劇  
邑將及瓜期之成喜聞行李之來大劔長鎗自笑毛雉之  
陋短衣匹馬願從羽獵之遊

回列路分

洪平齋

客子念歸已作吳山之清夢將軍出戍忽傳楚水之先聲  
幸甚逢迎居然尉滿共惟某官元戎威畹紹聖將家班超  
投筆之功名欲酬壯志馬援據鞍之意氣自負長材獨持  
沉靜之謀共謂老成之器屈臨一道生獲諸戎春風散入  
於柳營夜月盡空於蒲澤小煩騏馬聊馳積軸之間佇看



貂蟬遂出雙螯之上某便期滿去還喜鼎來絳帳倦遊敢  
起無羶之嘆碧幢多暇尚陪橫槊之吟

回譚都巡

習春秋曾進列國傳因申解賭博軍  
人咆哮事為之從公書擬蒙師斷治  
號令譚以啓謝

王耀軒

制軍者司馬之法不恭自有常刑禁暴者連帥之威為厲  
惟知從長初無絲粟之力忽辱瓊塊之投竊謂博奕無所  
用心戲謔反以為虐刁達坐亦族於馬柳恭容十大事於  
蒲神博銀鎗之營中未幾召募反鍾離之盧子寧有幾人  
於王法所不容彼狂卒胡為冒犯牧猪奴戲耳况敢當公  
庭而咆哮執鼠輩尸之蓋斷自元戎之霹靂焉有公在何  
謝我為某官東國大夫之故家延康學士之遺直序春秋  
於吳寇始平之際奏凱九重讀左傳於延安方戰之時才

當八面乃淹警邏未展經綸行膺宸綍之欲即揆殿岩之  
任茲小人狙積習之弊故一旦啓玩侮之謀已正典刑立  
伸威令權實由於大府恩敢受於私家遇悍卒於微行莫  
損裴晉公之遠到抱遺經而讀質何當玉川子之辱臨

回李巡轄

劉後村

斥堠之司古以為重絃歌之倚今之所輕輒修告至之辭  
以叙同寅之雅共惟某官沉雄天稟慷慨自期慕廉頗李  
牧之風為孫武吳起之學十里一直五里一堠姑煩巡檄  
之勞萬人曰俊千人曰英會展規恢之略某偶叨民社實  
接官曹將軍乃肯臨臣非敢望也夫子明以告我方有賴  
焉

回武官

方秋崖



某伏奉劄翰良因感心官無卑高敢業則一勉旃寅叶式副所期略此占酬等幾紓監

謝戴將使

李梅亭

解后適願已奉識荆倥總裝懷未遑訪戴既感輕身先匹夫之意復有一紙賢十部之榮共惟某官天分軼群人門濟美翼扶九萬里決應海運於南溟腹笥五十家暫隱天樞之北落勇早聞於六館陣獨掃於千軍會當定一霸於螭弧何難連八科之麟角衣明日月更看黃鵬之新履上星辰始是青氈之舊某舊交群從今識清標聞元方李方之齊名亦既見止從延君少君而受禮更幸進之

新編翰苑新書卷之二十三

續集

新編翰苑新書卷之二十四

續集

### 寄居類

通曾大參

王臞軒

鴻臚賜第曾私一氣之鈞麟校司文復適三台之府敬憑鄉盡僨獨師籤竊以卿莫重於達尊士要親於前輩魏公居畫錦之日問業有徒迂叟處獨樂之時及門者衆而况德師一代位冠百寮如東魯之有泰山咸瞻峻極如泗州之有大聖共仰威光曾謂奇窮得此遭遇共惟某官各重宇宙勲在鼎彝大廷爲舉首之奏篇輸忠懇切寧廟得力行之一說嚮國靈長昔宣靖有位而文無稱及南豐有文而位不顯惟耳孫之間出視鼻祖以增光方在盛年偏儀



率貫入則參國鈞之重出而揚宣幕之威雖想帥鄧顏帥  
陳賴元臣之往視然范公西社公北宜君子之永歎其道  
不同難相為謀見幾而作不俟終日等軒裳於物外卷兵  
甲於胷中維時新君眷懷舊弼十連借重曉行湘水之春  
一壑來歸暮捲西山之雨雅意午橋之行樂何心寅陛之  
押班閑擎天之柱於匠林橫濟川之舟於野渡自謀則善  
人望謂何方國事之日新而善類之星散名節頽而莫為  
之振起議論勝而罕見之施行向焉誇嘉橘之栽未幾成  
枳甚者悔芳蘭之佩甘化為茅惟元氣之受傷致外邪之  
交作天欲平乎天下相復出於相門柄用有期巖瞻止切  
南渡諸賢出處之節孰盛名公西壑十年著述之書併歸  
國史伏念某癖惟嗜古樣不入時對策廣廷徒有空臆盡

言之直枝文列陞乃罹疾聲大呼之讒比求宗邸之冷官  
隨得翹材之化筆未能適道敢好為師幸大州本父母之  
邦而李家忝子弟之列告戒之以藥其失提斯之以玉于  
成既有儒宗以依歸可免生徒之調謗亟文前之教誨倘  
許樞趨夾袋內之姓名莫叨收錄

通費參政

士寅

李梅亭

分小隊於少城將安問政倚鉅人之長德行可庇身請裁  
吾黨之斐然來事是邦之賢者共惟某官賦資肅括蹈行  
中庸長卿吞雲夢之自宣以八九而芥蒂太白空岷峨之  
眼尚餘一萬之琳琅簡上帝心為公室輔固已重清廟九  
九之鼎謂當應泰階兩兩之符乃其松菊之主人暫作園  
林之勝事道之將行也命天將降任是人竹一馬二童之



來增六鰲三極之重公有元窮之聞民無不獲之夫其爾  
然康昏重以水納躡冒清華之選遂塵碧落之班所期乞  
一障之乘詎敢作三刀之夢惟是夙仰翹材之館乃今得  
依通德之鄉避正堂而舍蓋公定難屈致置盂水以教任  
守尚幸告忠

通王侍郎

王曜軒

少而抱槩久瞻魁宿於璇霄壯也彈冠行覩德星於珂里  
雖素於左右殊無介紹然見之方冊不昧平生敬飭訥詞  
僭干巖分共惟某官任重而道之遠表粹而衷則剛方在  
常布之時已負縉紳之望紫府點頭碧雲章句號閭苑之  
謫山素正喜色黃甲科名叶湘川之家讖剔嘉芸館含香  
錦闈翠節朱轡幾沛黍苗之雨紫薇紅藥曾依香案之雲

方為禁從以小番乃厭承明而馬去十連為帥力蘇凋瘵  
之氓五領皆炎變作清涼之境胡然為衆所忌正坐其名  
太高一壑來歸六丁莫挽髮為憂邊而半白心思報國以  
常舟楫公不入中書莫答纏裘之間裴相方遊綠野其如  
柱石之衰佇下綸音徑司國柄伏念某弱惟殖學貧只賣  
文固葦感慨於事功某柰間關於場屋天庭對策妄陳憂  
國之孤忠未第書名何惜避人之三舍來傍蓮池而謾仕  
已驚火戍之過期胡遲其來益恐素官之無譜或贊其決  
以有達尊之可師惟願矜憐臭味之同庶有終始幘幘之  
託俾遂親養得追官箴揚儀之無材力之可稱正深廩廩  
宓子賤待老成而後決尤切拳拳

代董制師通許侍郎

奕

劉閣學

光祖

李梅亭



石坳和墨躡升獻納之班玉壘分符更冒蕃宣之寄歸然  
地重葦爾人惟實惟隣寶之依敢廢書函之敬共惟某官  
清時碩德名世真儒惟其特立而獨行造道自得故能難  
進而易退經德不回至今猶侍臣之冠歷年賜方伯之履  
在外則植旗旄羅弓矢公豈此榮其功之銘鼎彝被絃歌  
士誠有望竹起凡安之寫亟馳介大之圭某見謂踈庸誤  
蒙簡注願乘一障豈能堪十乘之行縱賀兩轡何敢作三  
刀之夢冒焉叱馭願在執鞭嗟遠道胡為來哉孰寬脇息  
君是邦事其賢者載慰心期

代通易尚書

後

朱港廬

候長沙之星慚叨分闡望尚書之斗喜在鳴珂已脂轄以  
首塗亟擊牋而捺敬某官輪困奧學絢爛高文紅錦賜袍

登仙掖奎坡之上紫荷持橐在屬車豹尾之中頡頏飛霞  
簞弄明月欲作郊祀之歌以粉飾禮樂抑且覩帝王之制  
而裁成典墳忽觀蒼狗之浮雲盡村黃梁於昨夢詩書之  
教鵠舌天令變於媿姬吟詠之落鳥蠻人孰傳於款乃騎  
鯨故去跨鶴俄還竊惟平生討論過作之功實得前日寂  
寞閑寬之力崑崙碣石細篋禹貢之山川鄉遂井田增釋  
周官之制度已驟騰於紙價頗傳習於經生向使黃扉紫  
闥而益顯其身安得玉佩瓊瑤以大為不朽殆天心之有  
屬豈世俗所能知舒卷隨時寧久篋中之團扇論思有詔  
即還座上之青氍毹以庸才存膺重寄維常侍湖南之  
誅自顧非才聽任公戶下之規願安承教

通留舍人

王臞軒



挾策兔園早誦詞場之製橫經麟序晚依相閣之華半生  
企峻於雲霄不日挹清於冰玉語心自負扛贖爲容敬惟  
其官學貫天人名垂宇宙以尊生庇民爲已任以通今博  
古爲儒宗文人才士各有偏長鮮兼十體之美大科異等  
已爲難事况出三台之門方在青春備儀華貫壑坡揮翰  
非他學士之可言螭陛儒毫有古良史之遺直片語不合  
勇去莫留行吟康樂之池塘選勝鬱孤之臺榭大節固足  
起庸夫之懦高名亦能來群兇之說壯歲風雲如豪鷹俊  
鶻之直上中年泉石與曉猿夜鶴以相從逃名而名自歸  
避世而世莫捨雖欲全韓魏公之節自凌晚香然未及范  
景仁之年未開太早切窺大賢之出處以下世道之汙隆  
深刻堅氓揭諸葛出師之一表短章大韻有杜陵戀闕之

丹心今日幸公道之漸開諸賢多即冢而起用離而復合  
否者將通相復出於相門繫時人望天欲平乎天下以我  
公歸伏念其樣不入時癖惟嗜古學類醞雞之在甕仕如  
鮎魚之上竿帝城風月之無邊方思贊畫宦海波濤之巨  
測噴有煩言不能追誓墓之風聊復草問釣之賦規未倚  
席寒甚無氈所幸鴻儒之可師一洗輒生之陋習聆函丈  
前之教誨以淑諸生備夾袋內之姓名敢期他日

通留經略

王臞軒

西洛嗜英嘯傲三台之府南宗冷宦依栖數仞之墻先上  
日以通名望下風而起敬竊以先達之於後進世族之於  
素門勢分固殊投合亦寡惟元城之在宋問業有徒與了  
翁之居淮及門者衆而况三朝元老之嫡嗣一代人物之



宗師稍有識知皆思歸嚮共惟其官文章奎壁德望華嵩  
忠孝通乎神明出處關於世運故國謂有喬木稱列于今  
後人猶愛其棠何況其子方春秋之鼎盛歷中外以游揚  
即首莖華風米耀鳴珂之列虜庭出使笑談護全璧之歸  
持麾把節於湘中易地建臺於江右仁心撫字山林野吏  
之屢書陰德平友道路口碑之交誦開十連之師闡屹百  
粵之長城惠行而龍戶騷呼威甫而鯨波括靜柰外地去  
天之遠而浮雲蔽日之明一壑來歸六丁莫挽蓋韓呂家  
傳之清白素所服膺而金湯勢迫之薰蒸耻於炙手勁草  
當疾風而不改寒花於晚節以尤香種樹山中白傳倡風  
流於九老植槐庭下晉公傳事業於二郎傲輓軒裳追隨  
觴詠勝事園林清時鍾鼓如許清閑上天將相平地神仙

執爲重輕此固衣冠之羨溪慕其如旒冕之簡懷歆副岩  
瞻行膺枋用伏念其癖惟嗜古樣不入時對策廣廷徒有  
空臆盡言之直校文列陞乃罹疾声大呼之讒比末宗邸  
之冷官隨得翹村之化筆未能適道敢好爲師幸大州本  
父母之邦而年家忝子弟之列誘掖之以棄其失推輓之  
以玉于成既有耆德以依歸庶免生徒之譏訕黨和染教  
期爲王孫公子之範模舉滯拔淹全賴察父哲兄之提挈  
回塞堊劉中散

學表

方鳥山

瞻耆英於洛社夙仰高風遣皇華於周原行親緒綸未敢  
登名於記室辱先寄訊於書郵一謙甚光三復以喜共惟  
其官漢庭尊宿魯國靈光道傳本統派接聖賢脉絡一家  
之學問澤施生民功存社稷方箕累世之忠勲源遠則波



深根固而葉茂恭惟執事克稱國家飽更中外之踐剔多  
識後先之文獻盡儀筆索爰踵旂常不拔虞陛之龍夔乃  
作商山之鴻鵠怡愉雖甫子孫則其典刑嬉遊婆娑里巷  
得所矜式前哲益少時事孔艱當得老成以備黃耇咨訊  
之訓曠言名望豈非白首魁壘之臣少安藥級之遊即召  
蒲輪之君其父於耕釣忽尔軒輅頗有好事人欲勒回山  
林之駕非得使者躡若爲馳原隍之車猶幸薄遊實依通  
德致天子之命雖難起龔老於田中事大夫之賢且喜拜  
龐公於床下

回謝大博

王懼軒

叨聞寄於湘川方承嘉惠問鄉材於楚國知有英賢息有  
行李之初昧目薄書之裏鼎未考翰彩絢駢珠是然谷音

折我屐齒甚官韻鄰王鑿氣軼金莖雲錦織裳不用人間  
之刀尺昭華截琯自調天上之声音大名高唱於句牖小  
却合盛之奎省槁園壁水方惠然而肯來舟近蓬山乃薄  
之而不即少息風鵬之翼以深霧豹之文挹浮丘相洪崖  
當挽遠於逸駕入胎盪出馭姿亟歸近於清光某官居今  
傍於電鼉日課半親於鴈鶩騰喜風騷之彥暫番遊釣之  
卿美人隔水秋娟娟儻破少陵之願客子入門月皎皎尚  
傾山谷之懷

回衆寄居官

李梅亭

楊南平

牟涪州

侯茂州

蒲運管

再命專城甚慙惓日六條察郡誤玷觀風所幸依長者之  
墻用是攬慨然之書曾修辭之不敏辱委贄之相先共惟



某官 文武兼資循良可紀侯茂州器博而周才弘以毅  
蕭運管洵美且仁柔嘉維則汎回筆力挾岷詞源倒峽作  
為黼黻卿雲河漢之亡窮粲然琳琅李杜光艷之固在有  
伶弄峨眉之月詎能應益部之星則匪鬼輸安得有錢而  
使鬼粟非天雨若為轉粟以上天匪藉大家之牛車難沃  
小雅之牡轡某自知負乘更愧贈刀大夫儼然造焉既知  
感矣是邦事其賢者能勿誨乎

回楊宰

醴陵已赴官

後村

謾稱竹使尋元晦之舊遊欲訪草元問子雲之安在尚稽  
展覲聊寫謝忱伏惟某官妙深湛之思篤聖哲之好粹然  
家學卓尔時名射策決科蚤對丹墀之問鳴絃製錦尚寫  
岩邑之淹想陶柳之方濃而楚驛之已續聲傳回鴈焉用

牛刀目送飛鳧即聯鷓序某濫茲假守渴甚見賢孰云會  
面之難失於交臂之頃明月千里徒勤悵望之私置水一  
盃猶幸誨言之及

回黃尉

直鄉

劉後村

遠宦問津未往寓公之贊高懷感舊先貽新令之書佩此  
勞謙悚然推謝共惟某官雄文行遠卓識際空生了翁之  
里故其氣高游文公之鄉故其學粹久矣見推於月旦且  
其立致於雲霄乃屈脩程尚須遠戍乘龍有喜又何妨秦  
贅之嘲振鷺于飛行且接周行之彥某散材无用漫仕不  
諧少從幕府之游下筆颯颯晚識田家之樂拊缶烏烏昨  
就男封蓋謀親養豈謂繼煎熬之後若為施抹葉之方接  
壤而居君想熟知其利病避堂以舍僕方有賴於箴規



新編翰苑新書卷之二十四

續集

楊友琳

新編翰苑新書卷之二十五

續集

學職類

謝永州鄭學諭

李梅亭

一聽履聲已喜似人之見戴披手畢更欽博我之文得非  
所蒙願竊有復共惟其官學探聖瀆秀出愚溪窮司農之  
經諒皆殫洽容廣文之舍大似淹回佇即摘髭亟其奮翼  
其不能教胄有負轉承儻簿書徵訟之餘其交以道則道  
德性命之理當誦所聞

謝張學諭

李梅亭

吟墻竹之公事自分聾丞聞伴林之好音還成伎癢亟裁  
四六就謝万公共惟其官氣韵淑均風猷膚敏尋西塞桃



花之鯁豈其河鯁之逢思東吳葦菜之駛行矣溟鯁之化  
无厭俗情之傲贅即觀鄉賦之核尤某聊尔治中奚勞賀  
上膺何如昔已无可耻之楷模籍也拘能尚可相從於聞  
里

回吳學正

洗塵上之袍未皇請益披月露之牘良佩鳴謙藏以為榮  
報於何有共惟某官風猷疑遠天韵淑均炳扶與磅礴之  
靈富詰屈聳牙之學生九辯九歌之地豈自隔於脩門扶  
八戰八克之能將差強於敵國四六且工於駢儷三千足  
想於縱橫某有幸依仁過動委贅故將軍之雌伏難言李  
廣之无雙新進士之龍飛惟祝吳公之第一

回張學正

某與滁人遊瑣二愧一經之陋有賢者在琅二記三篋之  
遺蔚然秀峯得此益友伏惟某官鄙家傳於黃石換仙骨  
於赤松兩上鄉書每為子大夫之首幾年候類久傾衆朋  
友之心惟領袖之非難必紀綱之自肅子師以正何嫌乎  
同隊之魚人得而輕則必有敗群之馬欲覘所學奚止於  
文願言淡墨之題式快蜚黃之迅某官知其拙見謂之迂  
冠者五六人適共詩書之樂山行六七里喜聞翰墨之香  
不頌而規乃予所望

回徐學正

方秋崖

某思樂采芹訪醉亭之貴墨相從汗竹有虛榻之老儒竊  
嘉多聞敢問奇字伏惟某官深蔚瑯琊之秀鑑鏘鏗王之  
声貞將軍而不候信文章之光據妄校尉而得雋豈遭遇



之有時第觀雙鯉魚之書深識孤鳳凰之瑞知吾心不可  
為功名累謂此學未易以言語求所見略同豈敢无數屈  
陪後進正賴老成人之與刑剋跋前脩勿慙古君子之操  
履其奚師之敢匪友莫交費此公餘恐已孤門外之尺雪  
談到聖處當胥晤席間之丈亟遐想金相庶幾王我

回曹直學

某采芹藻之香何幸相從於衆楚挹芝蘭之秀執云无缺  
於百參騰然裁緘喜甚折屐伏惟某官妙六義回始之旨  
遺一唱三嘆之音敵賢能之書于王有嘉薦鷄升俊秀之  
士於學增重堂鱣惟此子衿言觀領袖必操履之正者豈  
辭章而已哉識字幾何驚異言之太甚持身惟謹喜允說  
以相資式適甲乙之科少售辛勤之志某蚤遊諸老自守

一儻學不講德不脩敬佩聖人於洙泗年相若道相似每  
慙師說於昌黎何以見規踈然改聽

回趙校正

方秋崖

某問訊二三子雅聞趙日之溫緬懷六一翁適奉郇雲之

麗士氣振矣我心馮兮伏惟某官蘭猗而自香菊鮮而獨  
秀少日彫虫之賦慨壯夫之不為今者伯魚之詩幾古人之  
可到靖惟吾道匪在陳言蓋此心即堯舜之心其所學必  
孔周之學之謂貴君豈苟云若徒疲精於摘章繪句之間何  
以得意於含英咀華之外斯文闕百聖之統覲明辨之聖  
名題千佛之經特餘事耳某了无器局奚以範模人之患在  
為師其為歛衽古之學者為已當共書紳深幸得朋无忘規  
我



田薛集正

其幸甚論交睽然辱問師道不立久矣以我奚爲人心所  
存者何惟子之勉如但優於分數正恐失之毫厘見所見  
聞所聞是之審耳德其德道其道亦焉取斯不日文乎又  
其細者

田劉學錄

其得劉公一紙書知爲畏友笑邊生五經笥敢日吾師願  
後山水之間共尋文字之樂伏惟其官刊落訓故深繹典  
墳歲貢鄉曲英已快雲天之橫鷄妙在言語外當爲學海  
之老龍若徒櫛其葩華恐自枯於根本正不必泥古人之  
糟粕甚至於以箕子爲夢滋言觀訓誥誓命之文要識唐  
虞成周之際庶乎有得奚患無聞其枝止黔駟朴如鄭鼠  
鑽晦庵之遺響敬佩贈言訪醉翁之舊遊倚需投分尚邀  
傾倒相與發揮

田丁學錄

方秋崖

其薄言采藻甚慙北斗之魁孰與藝芳乃得易東之彥於  
樂泮水美哉儒風伏惟其官孤鏘雅頌之音適佩文章之  
印秋天兩鷄行葦終无以易堯寒夜聚螢問學當期於肖  
孔如日咕畢而已何啻淫哇之爲詩正而葩言掇其實溢  
爲翰墨豈瑣<sub>二</sub>於虫魚深入性情勿真<sub>二</sub>於蟬蠹審爾則  
一第之溷子將又有三年之驚人其奚有師資喜於交直  
宵中國子監此言何爲及我哉心在醉翁序暇日相尚談  
經耳報瓊焉禱母玉尔音

田荀學諭

方秋崖



某茲奉翰題如聞談緒讀瑞芝記有嘉張孝子之門邈慘  
栢亭頌識魯藏孫之後儻无忝於乃祖足增重於吾儒科  
目區二胡為歎造物之見戲節誼凜二當不負故家之父  
書惟其勉之行昏告矣

回蔣學諭

方秋崖

某辱書感甚啓讀竦然見一刺史即周孔之曾何幅尺非  
大丈夫无趙孟者在以直尋其執敢當抑子之過求之方  
朋頌毋忘灯火之一寒安得圓機亦欲扣風烟之三逕言  
之喋二意則拳二

回李學諭

吾子少而好賦早已升堂獨學陋而寡聞不量掌泮忽景  
星之快覩承明月之暗投不鄙而來適諧所願共惟某人

某猥辱長牋備聞高誼師道不古今直章句之云儒行无  
他亦曰綱常而已嘉而吾黨深跋前脩抑二威儀子勿俄  
於側弁衮二臺省吾何歎於無擅少須拱揖之間覘見藏  
修之益

回何掌服

前人

某荷若雅意貽我長牋君子其正衣冠禮在司服吾身不  
願文綉言可書紳末之名義之間豈直出納而已行昏告  
矣將不下帶而存雷尔勉旃適且振纓而起聊以為報率  
然有慙

回姚掌膳

前人

某未見芝眉遽勤藻翰飯蔬食而樂乃屈司饗懷簞瓢之  
憂不幾縻廩盖有鋪啜者可為慨歎焉瞻彼炊煙群然而



至何哉接浙翩矣其歸幸以此而告之是亦居之職也

回崔掌器

前人

某茲奉音到如獲晤語禮藏於器无徒日俎豆之間情見  
乎辭已相知筆墨之外審自期止於富貴則所學奚以網  
常君第安之軒冕倘來耳吾苟可矣山川其舍諸敢以此  
言復之司聰

回蔣司書

前人

某區區何似挈此來勝已之士與游豈无愛助非聖之  
書不讀喜有司存度而藏之職在是矣如職拜六經之義  
孰敢取携少頃從諸子之間共為尋繹略茲占報莫既願  
言

回蔣教諭

方私崖

綆汲文汎穎脫塵編諒應矯以弗污故多落而難合  
旨趣甚遠要追作者之風步驟不凡肯墮諸人之後未離  
豹隱猶混雞群尚歛挹其有餘將琢磨而求益買臣行膺  
富貴當可之時相如足此風騷豈終於困其已疲織組聊  
寄銜蹄凡少年涉獵之為皆大道穿鑿之病方期取正於  
韓襲和於李登徒折艷於屈薰香於班斐然而成復之有  
愧謹毋足學恐成刻鵠之非歸有餘師當悟飛鳶之樂

回彭學賓

觀國之賓願屈習鄉之蔭愛人以德何勤博我之文一謙  
惠然三復感甚共惟其官夙克岳貢見謂楚材子佩明經  
詐肯愛安昌之薦錢鏐好古祇欲為孔子之徒行膺拾芥  
之科寧又米芹之客某自慙學落更愧名浮憂則遠之賴



不失黔中之上佐仕之仁者當或憐憫畔之大夫

回曹學賓

某辱書懇二荷意渠二有老成人願言苦口雖前進士亦所其心乃獨嗟鬢底之霜猶未參門外之室作賓于學豈日佚老云乎哉求道於經匪惟戒得而已矣敬當洗耳毋憚費辭

回周糾彈

某辱教之及荷意甚厯糾豈易然是謂一學之風憲身率先耳毋羞諸子之月評跋相觀於俎豆之間自得於翰墨之外功名入手何哉足以爲重輕歲月到頭勉矣擇之於賢否匪伊胥晤共話所懷

回湯掌儀

前人

某暫留烏幕翹想鱣堂凡我朋友辱寄好音於尺素咨尔庠序已銘雅意於寸丹何當袖司馬穰苴之書共講代單于可汗之略多文以爲富式矧逢辰患行不能修豈無知已如但穿揚之技恐辜永藻之詩

回徐齋諭

方秋崖

某濫塵經席端奉書函患在好爲師已切式微之歎未有不須友敬歌伐木之章敢致贈言因以報貺挑達而云挑闔豈真誤繳弄璋而寫弄璋恐貽譏矣幸毋憚蠅頭之細更詳稽馬尾之訛

回學職

劉後村

求民之瘼方思百里之憂友士之仁必考一鄉之書有來華問良尉素心伏惟省元學遠有源才高無敵餘子莫不



辟易避秋賦之先登主司無乃冬烘致春闈之未捷願脩  
名之方起何一第之足云某偶試絃歌復親衿佩逢臨邛  
之客僕敢不共熏香鄙之人子宜自勉

回學職

方壺山

長邑於斯日師則吾豈敢入邦而問願友其士之人初疑  
甚荒喜有足語某人學該千古行表諸生樂長才於魚泉  
恬未肯仕跨巨翼於鵬海怒而奮飛亦使叢桂之科名知  
有上杭之人物某行闖縣境欣聆書聲爲儒通今勉策勲  
於寸鐵自我作古當人刻於堅珉幸以吾言勉諸同志

新編翰苑新書卷之二十五

續集

新編翰苑新書卷之二十六

續集

賀正類

賀嗣秀王 師揆正

李梅亭

斗攜龍角又頒羲仲之春雪滿兜園請賜梁王之壽共惟  
某官宗藩明德政路崇班慶襲璿源默應璇璣之運寶分  
玉帶益調玉燭之和宜從桃蓂之辰丕介椿松之祉某愧  
無善頌可賀履端曳鄒陽之裾方規旅進授司馬之簡更  
佩謙光

賀史丞相正

李梅亭

鳳紀更端復對戊寅之曆龍躔回次又新甲乙之司時維  
元勳坐膺純嘏共惟某官勲高王室忠簡帝心以道德而



位三公應千載明良之運理陰陽而遂萬物成十年生聚  
之功宜誕受於春祺用永扶於皇極其一違鈞範五見歲  
華身在西陸阻效楫觴之祝神馳東閣輒輸竹簡之誠

賀周丞相正

黃竹坡

玉燭調元和式滯於燕谷銅儀觀象序爰正於夏時有如  
耆英茂介繁祉共惟某官三朝元老百世宗師收歛化工  
如四時之成歲照臨鄉國先一氣以回春惟賢業之對時  
宜天休之滋至某濫紆尺組託庇萬間行伸再拜之私先  
上一牋之敬受天之福惟日不足敢伸善頌之詞履新之  
慶與卿等同傾觀上公之禮

賀丞相正

方烏山

鳳曆瑞頌鴻鈞氣轉皞皇用事換新歲之韶光魁宰調元

迎太平之嘉會三陽籌勃萬宇光輝共惟某官伊呂門風  
禹臯地位同氣慶一堂之衆光輔乾龍包荒來四海之英  
勛成泰象剛辰茂對純嘏駢臻某叨備承流恍驚改歲煌  
煌褒繡莫陪班見之儀楚二旌麾重拜陶成之造欲仰裨  
於燮理尚勉布於中和

賀鄭叅政

曾樞密正

李梅亭

三陽交泰驗正月之始和五福照臨瞻輔星而有耀宜介  
簡樸之慶周彰弼亮之功共惟某官德協春溫氣排冬凜  
參贊陶鈞之化曾云樞允釐百工沈潛帷幄之謀拊衝千  
里宜對青規之旦亟登黃閣之榮某自西來五逢朔易  
吳蜀萬里未由稱壽於楫觴蕭曹同心所願垂光於竹帛

代魏郎賀政府

陳箕懿



麟筆書元繫萬物循環之本義文畫恭屬三陽彙進之初  
時維兩地之崇翕受層霄之祉某官望龍碩輔道備貞儒  
行夏之時翊九重於密勿班春之令扇八表於冲融屬三  
百六旬交會之初正二十四考權輿之始倚登土鉉永輔  
環梳某忝綴近宗幸依闕履頌椒有喜阻陪賀筭之爭光  
削積無文惟祝化爐之不老

代皇第賀西府

陳質聰

元日爲三朔肇迎更始之夜閏月定四時椒正歸餘之候  
裊是履端之殊社壽于宥密之者英某官格帝道尊亮天  
業楛風生帷幄朋來借著之籌霧躋邊陲一定止戈之略  
屬臨穀旦共紀春齡謂久居四輔之間宜高致六符之上  
首扶乾健永迓泰亨某夙玷近藩切依洪化栢椒惟舊雖

阻陪獻歲之義椒李方新尚慨望逢春之渥

賀史侍郎

真西山

六琯吹葭肇和氣於嚴凝之旦一麾分竹正雅歌於閒暇  
之時與造化以同流致休祥之具介共惟某官蟬聯望闕  
豹尾高班蓋世聲名見昭垂於日月濟時勲業尚須整頓  
於乾坤宜繼襲於家禮猶屈臨於侯服袴儒流詠稔聞奏  
最之良昂寓登庸端籍調元之妙某受墨沿境竊祿真祠  
亞歲薦祥莫預霞觴之捧公堂稱壽第憑霜鬮之脩頌詠  
惟深染濡罔既

賀程內翰

真西山

地稱潛府最雄南服之山川天惠仁侯來布東皇之德澤  
和聲交播第祉自輳共惟某官以道德人爲文章牧政先



愛養霈然膏雨之蘇枯令肅貪殘迅若震霆之起蟄即宣  
化承流之施設見調元宰物之規撫願協泰交亟歸鼎輔  
坐使蒸菌之槁亦蒙吹律之春甚適以扁門莫繇賀夏飲  
屠酥而醉已同農畝之人稱兕觥而躋莫上公堂之壽

賀制置安撫

李梅亭

太歲在辛令豫孚於三甲吉日維戊春先撫於五辰相維  
玉帳之籌對越璇璣之運共惟某官川流厚化山立揚休  
仁行而春為青規而園萬物剛養其氣轉洪鈞以壽八荒  
聊賦願兔追龍蛇之詩更均蠶叢及魚鳧之福問訊梅邊  
之味亟催花底之朝甚辱比陳人尚樓故壘千秋有喜固  
竹捲賀燕之簾三徑就荒已願返屠羊之肆

賀諸司正

庚寅孟陬六十齡之復見甲子朔旦四五紀之罕逢其在  
皇二之華宜膺簡二之福恭惟某官德潛天粹政播民和  
園萬物以青規之仁厥臨孔惠轉八荒於洪鈞之氣其泰  
大來盤既頌於椒花戶益蟠於苑實某得州斗絕觸緒冰  
寒多且百百且多不敢貢筇柴之釀熾而昌昌而熾但知  
祝春栢之祺頌俛惟深敷陳罔既

賀監司正

李梅亭

日月初躔星紀復回於赤奮地天交泰雲堦益播於青陽  
時惟六轡之華茂輯百嘉之慶共惟某官德潛剛克道配  
陽休繡斧淑旂暫勸楚鄉之農事瑤車玉軼還逢相水之  
孟陬仁風轉蕙以汎蘭善類援茅而連茹某二年黔佐萬  
斛緇塵破崖岸而為文丞詎復敢喧於櫪馬瞻原隰之有



華使尚祈出送於土牛

賀趙運使正彥輩

鄭雪巖

寶曆授時當五年之再閏皇華將命宜一日以九遷天地  
屬開泰之辰賢哲集非常之慶共惟某官博厚寬大明允  
篤誠仲尼元氣顏子春生親得西山之韻度廣平陽和成  
季愛日散爲南浦之嘉祥不待原隰之驅馳盡達閭閻之  
幽隱雷儒林而啓群蟄雨田毛而樂寬征一轉洪鈞增華  
翠節瑞書太史光騰使者一星詔下紫微召對文昌八座  
某薄言采芡莫効持椒已幸魯東家數仞之依敢効魯南  
豐瓣香之敬簷花夜雨未憂獨冷之氈沂水春風願鼓詠  
歸之瑟望雲矯首伏楮馳神

賀曾提刑年

戴象麓

伏以紀協歲月日星元氣四時之更始刑布邦國都鄙福  
躔一路之增光肅對昌期恪陳善頌共惟某官精神月霽  
節操冰清翦惡鋤奸蕩滌五陰而剝盡緩囚恤獄宣惠三  
陽之泰和人二熙鬱孤之臺物二秀崆峒之野不特蘇尔  
民於凋瘵抑將壽吾國於靈長百雉風行無媿漢六條之  
舉一門鼎盛亟登周四輔之聯某久戴二天欣逢元日迹  
雖縻於雷壞心實係於星霜種李栽菴自辛日棲於鴻庇  
頌椒銘栢願言天錫於龜齡頌俟之私編摩罔既

賀彭提刑年

戴象麓

伏以曆象日月星辰元氣四時之肇始刑布邦國都鄙福  
躔一路之增光恪對初元肅陳善頌共惟某官精神月霽  
節操冰清寬澤滂流潢浦久霑於雨露先聲轟隱曲江新



播於雷霆暫移天上之台符來象人間之使節民喜伸眉  
之有日吏皆重足於寒水綉斧風馳行試丹書之筆絲綸  
日近即趨紫橐之聯某久戴二天欣逢元日迹雖縻於雷  
壤心實係於霜臺種李栽桃幸忝一株之舊物頌椒銘栢  
賸祈千歲之脩齡頌詠采深編摩罔既

賀提刑年

戴象麓

伏以龍躔肇歲鳳曆頒春 皇帝甲午改元重見淳熙盛  
時之事君子衆陽交恭載歌慶曆聖德之詩維時間生與  
國同慶共惟某官氣鍾五岳德備四時素深天宸之知暫  
屈星輶之寄雷風新令掃除溪峒之窮陰雨露至仁轉作  
江山之和氣茲頃臨於華籥宜懋輯於蕃禧一雪北豐年  
已慶麥年之瑞九天楊渙號汴觀茅茹之征某方衣夏屋

之新倏見春規之轉壽筭莫伸於椒頌慶函輒贊於莞綈  
遵守新條烏敢怠農桑之勸課歸依大冶所願同桃李之  
栽培頌詠維新敷宣罔既

賀王知府年

前人

歲更鳳管一年時令之從頭春到魚城千里陽和之有脚  
鴻禧懋輯燕賀維勤共惟某官膏襟叔度淵陂標表濂溪  
霽月昂二令聞山斗具瞻隱二先聲雷霆衆聽墨垠相慶  
傾心膏雨之霑刻吏竦聞重足淵水之立踴躍道塗之喜  
懽呼父母之來矧穀旦之肇新宜蕃厘之茂介開藩指日  
雖歡迎朱旆之臨出綽自天恐又下紫泥之召某行衣夏  
屋倏覩春規未繇申栢頌之忱姑僭飭楮生之敬牛鞭將  
勤願承課教於農桑鴻芘焉依尤望栽培於桃李其爲頌



詠罔既敷宣

賀葉都鈐年

前人

歲更鳳琯一年時令之從頭春滿虎城千里陽和之有脚  
鴻禧懋輯燕賀惟勤共惟某官吾道宗師斯民命脉克聖  
賢涵養之定力布帝王惠恤之寬條日課農耕麥秀崆峒  
之野風和兵壘柳還章貢之城矧當麟經謹始之初宜叶  
龜畫大來之吉分符剖竹暫煩抚字之勞簪筆持荷行筮  
論思之列某方依厦屋倏轉春規無階栢頌以稱觴敬飭  
楮生而贊禮牛鞭將動有年喜驗於農祥鴻庀馬依指日  
願歸於化治其為頌詠罔既敷陳

賀通判年

戴象麓

曆日頌元忻際三陽之泰屏星增重楹膺百福之升式對

昌辰恪陳善頌共惟某官炳二文章之鳳振二信厚之麟  
問望顯昂膏襟冲粹共仰泰山北斗平分霽月光風屬鳳  
紀之更新宜龍光之鼎至歌騰康海想驥足之難淹詔下  
自天佇鵬程之直上某幸依厦倏轉春規無階修敬於  
壽觴謹用披誠於慶牘春生別駕薰陶分屬邑之輝日奉  
瓣香耆艾頌闕宮之詠

賀檢法年

戴象麓

正月一日為元鳳曆謹聖人之始下乾上坤曰泰龜文占  
君子之亨宜對剛辰茂膺新社共惟某官氣鍾溫厚性備  
中和青天共指其至明綠水尚煩於共泛德隨日進事與  
春新茅茹相連增吾道之光於初長椒觴再舉壽斯文之  
脉於無窮某誠系崇墉身縻小邑獲端舉正賀忱方阻於



面陳擲管裁牋善頌徒勤於心拜其餘飯嚮罔既編摩

通州府年書

方秋崖

闔闔開黃道聿新鳳曆之元燕寢凝清香誕輯虎符之瑞  
春融簇管頌浹椒盤某官氣函玉燭之和識造璣衡之妙  
昔無襦而今袴汗青遄紀於竹書言如絲而出綸泥紫已  
塗於芝宇地天之泰朝野所需某三見姬訾一歸垓北雲  
深戟衛諒鳴瓊蟻泛之春日轉觚稜覲錡珮雞人之曉中  
和之詠熙皞惟均

通判

方秋崖

春皇旣寓宙聿新鳳曆之元霽色滿乾坤誕輯熊轡之瑞  
雲酣簇管香必椒盤某官氣函玉燭之和識造璣衡之妙  
治中半刺史喜光風霽月之平分新安古富州覺練水屏

山之增麗於皇渙渥式對泰亨某三見姬訾一歸垓北暖  
融泥軼諒鳴瓊蟻泛之春晴轉觚稜覲錡珮雞人之曉康  
沂之詠屬邑惟均

教授

方秋崖

春皇撫寓宙聿新五鳳之元霄色滿乾坤誕輯三鱣之瑞  
雲酣簇管香必椒盤某官發枯山煙雨之奇浥石門洞天  
之秀捕龍蛇搏虎豹駭觀昌黎奇恠之文騎麒麟翳鳳凰  
雅有周公太平之略猗歟紫綉美彼青規某遙邈匿犀敢  
忘傳鯉先生自此升矣春浮栢葉之觴館下立而誨之雲  
麗槐陰之市衷丹所屬楮素奚殫

幕職

方秋崖

經謂一爲元瑤曆更新於簇管陽內三爲泰瓊瑤盛集於



蓮池時若青規誕敷紫綬某官識造機衡之妙氣函玉燭  
之和莫府粹清不妨尋練水屏山之勝江城寥泬豈久稽  
粉闈瓊閣之遊肆及正陽煥流春澤某陸沉僚底三易歲  
端浮蟻泌栢葉之香莫塵燕屢朝馬踏梅花之月遄覲鴈  
墀其若衷丹難窮楮素

回景獻即賀正

方秋崖

歲紀旃蒙丕對一元之始晨趨闈闔有開萬象之春於穆  
青陽介時未即共惟某官制行信厚秉心塞淵識參羲易  
之占履而後恭學謹麟經之法正次於王與宗國以同休  
交地天而錫羨某常陪講席取後慶出闕矣悟言恍三山  
之如舊尚其問學與文籍以維新

回吳總侍年書

方秋崖

風轉青旂肇布王春之令天開紫橐誕敷帝皞之仁通有  
蕃輦介茲茂德某官星避南斗筆回東風才名當世之少  
雙上虛佇之久矣江山天下之第一民歌舞者再馬及此  
端辰聿來異數盍簪而喧櫪馬想忻奉於藩輿飛墨而落  
詔鷗矧趨歸於漢殿某又逢穀旦載頌椒盤北固樓臺正  
滿濤江之雪東皇宇宙幸連淮海之雲願言節宣昭受渙  
渥惟精調於鼎食惟亟尉於巖瞻

回王知軍年書

方秋崖

青旗催曉適新鳳曆之端皂蓋班春誕輯虎符之瑞某官  
慶流戟衛恩浹邊城式遘尺一之需懋對茂三之泰某濫  
塵烏幕肅奉魚書遙瞻竹使之華已後椒花之頌

答程府教賀正

方秋崖



歲在作噩天開用九之乾正于孟陬春治內三之泰聿來  
墨詔起我筆峯共惟有祕畫前无虛名下騎長鯨而訪白  
將薄遊芥水之宮駕飛鳳以凌清當徑上芸香之閣橫經  
何日用易一元某雲卧草亭風傳椒頌千金裘五花馬莫  
酌尊酒之細論尺素書雙鯉魚但愧故人之遠意

回潘宰

方秋崖

閭闔天高蒼籙開而一元始河陽地暖洪鈞轉而萬象春  
維時履端既多受社某官大簇之動孟陬之和妙彈單父  
之琴遄歸鳧鳥徑造承明之殿親發歡樽某自放還山久  
不蓄憤壽之栢酒無乎版之倒持寫以竹書有皆芒之若  
負

回學職士人賀正

李梅亭

杓攜龍角魁枕參維氣轉鴻鈞歲躔益節其在藻芥之秀  
聿觀茅茹之連共惟某人文艷春葩香浮秋桂百步揚葉  
不難鷗鷺之穿三月桃花即看鯤鵬之化不負旦評之望  
即先天老之題某方欲修辭先勤委贄習鄉上齒何幸陪  
庠序之申重席說經尚幾見賢能之獻

賀瑞守游寺丞正

胡提幹

當地天交泰之日嶰竹回春廣雨露滂漉之天盤椒沸頌  
均弘十萬戶之樂贊咏二千石之良某官山立楊林川流厚  
化道院有勿剪之木增光喬木之故家翮池多可製之荷  
行復紫荷之盛事哀碧落堂之瑞以及物推皇極主之福  
以錫民接吟籛誼深農畝春耕之未來年此日帶帝庭燎  
之香某園迹洪濛賀稽盤辟拜卅井清冷之賜有味山谷



之言歌黃髮燕喜之詩但祝魯公之壽

賀瑞守游寺丞正

王監統

青規做序占歲事之後頭紫陌朝天慶陽春之有脚蒸出  
双眉之喜薰為一氣之和某官資稟粹冲德全温厚農桑  
千里屢馳白鹿之車綸綽十行催扈蒼龍之駕行膺舉接  
茂對泰交月寺歸班光勳錄屏之姓字春旗簇伏榮躋持  
索之清華某幸際履端深懷旅宅望五雲於黃道莫由銘  
相以頌椒轉一氣於洪鈞更覲拔茅而連茹

田瑞守游寺丞正

厲制使 文翁

采勝啟春喜併椒样之賀朱轡閱歲豐培棠舍之陰順履  
冒期茂迎新渥某官資函玉粹智協規圓燕寢疑清香兵  
衛久森於畫戟闔闔開黃道衣冠行拜於紫宸某未飭慶  
緘先勤寄驛愧無妙語和調觴賜栢之詩行遙寫班侍羅  
帕傳甘之宴

新編翰苑新書卷之二十六

續集



新編翰苑新書卷之二十七

續集

○賀冬類

賀丞相冬

方秋崖

嘉挺芸生一陽初復柳舒梅放萬象皆春有皇播物之仁  
盡入迎圭之景某官識參造化德備中和衆正用而小人  
消君臣胥慶群陰退而吾道長天地開除一氣洪鈞八荒  
壽域某貌爲宗翰莫望台符垓圉無垠但覺觀臺之雲暖  
奉平有象永依化國之日長

賀丞相冬

方秋崖

天地開除一陽生而群陰蟄國家閒暇衆正進而萬象春  
某官行孔之春學顏之復經綸天緯有關剛長之休闔闢



神機盡屏私邪之沴皇明所燭景福來同其貌是宗享莫  
瞻台極春浮緹室已先南北之枝雲爛袞衣徒跋東西之府

樞府冬

方秋崖

日行北陸六琯初飛雲麗西樞五兵不試於皇亞歲克相  
明時某官舒爲慶雲温如愛景顏氏之復萌動一陽孔聖  
之時會逢千載與國無極對天之休某免牘未俞慶函敢  
後老及之矣惟有賦歸歌以訊之亟其爰立善頌無教德  
音不瑕

宰執冬

方秋崖

晚奏觀臺蒼錄紀五雲之瑞暖回宮壁洪鈞轉一氣之春  
維時元臣克受蕃祉某官履日月之會見天地之心坐廟  
堂而進退百官盡消群慝幹造化而開張萬物潛復初陽

茂迎愛景之長有衍丕圖之慶某屬分相寄遙企階符天  
子之宰通神明諒臻紀散太平之期當今日式對亨嘉

侍從冬

方秋崖

霽景浮空雲紀魯臺之瑞初陽襲篋春回鄒谷之寒有偉  
禁班丕承帝賚某官蒼玉粹秀黃鍾函和擇一中庸消群  
慝於六陰之極與衆君子致亨期於七日之間嘉此迎長  
旣多受祉某謬將使指莫賀賓榮煖入孤根已動楊州之  
梅與曉傳殊渥喜聞詞掖之芝香

賀提刑冬

戴象麓

周曆頌新忻際一陽之復漢軺倚重懋迎百福之升式對  
昌期恪陳善頌共惟某官氣鍾傳大德韞中和霽月精神  
允矣朝廷之瑞福星華采熙然原隰之春矧當律動於黃



鍾轉堯光生於綉斧日添紋線已催補衮之工夫春上暖  
枝行繼調羹之手段某切庇二天之久遭時七日之來愧  
阻奉於壽卮輒敬申於慶牘薦紳競慕孔北海願事大賢  
辦香敬祝曾南豐俾膺多福其爲頌詠罔旣編摩

賀提刑陳寺丞冬

鄭雪巖

陽來七日可覘道長之機治應暮年已箸風清之効黃鍾  
一動繡節增明共惟某官氣養直剛學根純正文騰五色  
交輝雲物之書祥令信四時允合歲功之有序自六轡如  
絲之在手堯三軍挾纊以歸心籌密運於戶庭之間情自  
得於江山之外霜露無非教豈專肅殺之威天地大曰生  
中寓孳萌之德空寇巢於乘雪振王旅以如雷群陰力排  
萬彙氣吐茂對復亨之盛豫占鼎輔之華某分教無能受

知特異孤根培植喜逢梅嶺之先春暖律吹噓頌釋芥池  
之獨冷泚月毫而展敬望雲宇以馳神

賀運使冬 至節是月之朔

戴象麓

祥開周曆日同至朔之謂章光動漢軺星出虛危而爲福  
正人天相陰頽冰消幸適際於昌辰爰恪陳於善頌共惟  
某官以六經澤行四時春天念江西十州罹兵火之灾帝  
遣丰南一人活生靈之命雷風不終日掃除溪峒之窮陰  
霜雪有至仁轉作江山之叶氣愛日屬履長之始而福星  
增臨照之華天意有開人事可卜日添紋線已催補衮之  
工夫春上暖枝行試調羹之手段某奔馳小吏鼓舞令辰  
阻陪壽筵之旁輒効慶函之上薦紳競慕孔北海何幸祗  
生蒙被明公之知辦香敬祝曾南豐當効后山尊事前輩



之意其爲頌詠固旣敷宣

賀黃運使冬桂

李梅亭

斗北中而建子曆肇應於周郊日南至而逢辛書允符於  
魯觀維時英節茂擁休祺恭惟某官德配陽剛氣排冬凜  
水解漕下旣曉行湘水之春雷復地中即夜對宣室之席  
諒應四分之牛晷坐齊七政於龍魁某材之綫長分甘車  
副儻恰紫陌看花曾綴於馬蹄雖在黔山吹黍固希於鳳  
律

劉徽州冬書

方秋崖

雷在地中復葭飛緹室之書子爲天之正梅浥練溪之煖  
懽騰燕寢頌泱鯨尊某官聲明黃鍾之和文物清臺之瑞  
朝崑崙夕元圃豈但日一二千石之良左浮丘右洪崖乃

肯賦三十六峯之秀於穆禱禱之最有來綸綽之褒坐而  
堯言進而舜趨已覓觚稜之天近前有召父後有杜母何  
知戰衛之日長某式對亨期丕承剛德紀漢宮之迎至婁  
驚節物之崢嶸吹鄒律以破寒更探陽和之消息其爲瞻  
詠第劇蘊悰

賀彭知軍冬

戴象麓

日運璣衡忻際一陽之復星聯麾節茂膺百福之升式對  
昌辰恪陳善頌共惟某官以六經澤行四時春二千石循  
良方徧作南安之化雨十四州證察又散爲東廣之恩波  
屬迎愛日之長尤煥福星之采梅閔春早已漏息於南枝  
芝檢星馳佇趣裝於北闕某久席二天之庇欣逢七日之  
來稱觴上刺史之堂帳無六翮吮墨奏小夫之牘徒有一



忱愧與賀并意非言盡

賀瑞守游寺丞冬

陳表州 仲坊

黃道迎曦景驗周圭之美錦川宅牧香凝韋戟之清哀是  
珍祺萃子華旦某官氣涵剛大德毓粹溫簪綬悼聯色復  
青檀之暖袴襦歡溢輝揚繡線之長小至標辰大來楫慶  
某偶叨分土倏見書雲寶燭揚輝幸借富鄰之映瑤觥阻  
奉敢申彛禮之恭

賀瑞守游寺丞冬

雷臨江 應春

黃鍾律底開生生化化之機錦水江邊集簡簡穰穰之福  
和薰田里歌溢袴襦某官性稟慈祥躬行寬大朱轡整暇  
惠敷愛日之溫益戟光輝令布清霜之肅茂對葭灰之應  
即催荷橐之持某謬領州符將周歲崙幸切隣封之范敢

不知歸喜添宮線之長未繇趨賀

賀瑞守游寺丞冬

陳登

至望同辰雲薄翠微之曉陽和動地天開碧落之春維承  
流師帥之尊膺自天戩穀之慶某官溫如圭日清徹壺冰  
田里无歎聲已洽袴襦之愛朝廷知治行佇放金匱之褒  
昌期喜報於陽來盛德益媿於剛長某棲遲百里鼓舜二  
天指八百之長年遙祝疑香之燕寢詠五更之三點即聞  
接武於鷓行

賀瑞守游寺丞冬

陳表州

五色曉書傲猷魯臺之瑞雙旌夙駕清凝韋戟之香諒對  
剛辰哀膺繁祉恭惟某官秉姿端亮毓德粹溫轉寒燠於  
根亥恩孚而洽權低昂於土炭政適其平挺嘉標時塗芝



疏寵又三日近遙知宮線之添尺五天低趣侍宸梳之邃  
某阻持壽岸已爾慶函乳酒之下青雲良深哉惠淨爾之  
明玉雪滋媿報襄亟具稟訓仰祈矜察

賀瑞守游寺丞冬

陳表州

周主測景日增一線之輝韋戟凝香春入双旌之煖維時  
良牧萃只繁禧某官毓德陽明秉心冰潔天培碩果騰茂  
實於禁林畫永愛棠泮歡聲於鈴閣矧趣鷓行之入峻躋  
雞索之華某蹟絆銅符光依寶燭侈貢儀於黃襪又際剛  
辰庸寓敬於烏絲莫殫賀悃

賀游瑞州

包宏齋

昂星以正仲冬喜逢亞歲屏風之錄御史茂介殊休氣應  
六雄和薰千里某官霜皮黛色玉壺清水內寬外明適森  
戟疑香之趣政平訟理涕昔襦今袴之誼茲占南至之祥  
即侍天比極之坐某偶兼漕輓幸託寅恭遙贍符竹之光  
无繇面會聊寄驛梅之信第劇心馳

賀游瑞州

趙運幹崇滴

六雄應律喜逢剛長之辰五馬生輝茂集大來之慶頌聲洋  
溢和氣周流某官清映雪車光澄月壁黃堂畫永運陽開陰  
闔之機畫戟香凝收時和歲豐之效煖回寒谷人樂熙  
雲物之祥即見天光之近某自慚短綫仰

遂捧觴之願寓忱竿櫛聊存獻履之儀未究賀悃等祈矜照

回寺丞游太守賀冬

蔡久軒

三辰珠璧方新漢史之占千里車轡宜有魯侯之頌伏惟某  
官飛雪應袍鼓之政清水照琳琅之姿吹律六雄已轉袴襦



之暖司儀三揖想懷圭黻之連一陽初馳於後來五馬即  
膺於晉錫某何裨樞冕拜况函箋公事少而諸縣豐自息和寒之  
怨衆賓歡而太守醉遙知美景之并端此控申切覲丙鑒  
回寺丞游太守賀冬 陳袁州

鳳莞迎和瑞紀五雲之旦虎符凝晁歡騰千里之春已顓慶  
積之馳過辱蜚賤之况某官貴名日起威德陽升正色立  
朝凜凜冰霜之操深仁宅牧生生天地之心鹿較間祥鷄  
行趣覲某光依鄰映道喜朋來獻黃襪踐長甯殫彝頌被  
烏絲而寓敬曷報更施感載維深緇摩則淺

賀權府冬

貞西山

氣應候臺動初陽之一晝光生使傳騰瑞彩於二星騰迺鉅  
賢誕膺純佑共惟某官慈祥篤厚博火醇明發於一念之

仁散作七閩之福倚須褒聖入侍凝旒某方此掩關稽於  
賀履茅簷畫卧但欣化日之長崇舍春濃更藉仁風之播

賀葉都鈐冬

戴象麓

鳳曆迎長竹際一陽之復虎符倚重懋膺百福之升式對  
昌辰恪陳善頌共惟某官以大經澤行四時春推寬慈愷  
悌之仁通天爲一順消息盈虛之理與時作新屬當愛日  
之初長愈覓福星之增煥景添紋線已催補袞之工夫春  
上暖枝行試調羹之手段某切庇二天之久遭時七日之  
來愧阻奉於壽卮輒敬伸於慶牘薦紳竊慕孔北海願事  
大賢辨香敬祝魯南豐裨膺多福其爲頌詠罔旣編摩

賀本軍趙通判冬

戴象麓

天統肇初喜戒書雲之候星屏借重倍增分月之光福生



有基朋來無咎共惟某官仙源間瑞昭代奇英推慈祥寬  
大之仁通天爲一順消息盈虛之理與時作新屬占迎日  
之祥宜輯自天之祐揮洒風煙之與暖隨彩筆以潛回歌  
詠海沂之康聲與黃鍾而迭應况先得梅閨之信宜即膺  
芝檢之華某小邑備負大賢依託稱栢觴而介壽莫遂鳧  
趨修竿續以馳誠少伸燕賀情深頌禱辭約敷宣

賀史通判冬

李梅亭

葭律浮仄候臨小至棘評佐獄慶叶大來遠莫捧於兕觥  
誠敢輸於魚素共維某官氣鍾溫厚德迪中和傑然驥展  
之材監此龍潛之邸鸚鵡盃鸚鵡杓滿介壽祺孔雀扇麟  
麟爐即儀禁甬某機材綫短泥軼冰寒乃分之宜詎敢耻  
狐貉之側惟鄰是卜尚祈分燈燭之光

賀寓公冬

真西山

一陽潛復於黃宮肇迎修景八座觀頤於綠野茂對亨辰  
宜有蕃禧來符盛旦共惟某官氣全剛大躰備中和蚤筮  
列於嚴徐器禪流宸晚尋盟於綺角高蹈林泉旣全蓋代  
之名宜獲自天之祐仄飛葭館甫占紋線之添詔下蒲輪  
倚輅衣之錫某叨榮分竹竊庇鳴珂望天子之宮墻未  
皇趨慶贊賢人之德業敢後修辭

代通李制帥冬書

方秋崖

雷在地中復日增繡壁之紅子爲天之正春麗油幢之碧  
若時龍綽式對麟符某官聲明黃鍾之和文物清臺之瑞  
長甯而却胡騎喜鯨海之波澄高卧而護國門覺蜺旌之  
雲暖方勒勳於汗竹肆委貺於浮葭凋戈淑旗其視尔師



鼯鼠已消於陰慝元衣亦烏入趨玉觀鳳皇過覽於陽暉  
某偶出師塲遙瞻帥鉞紀漢宮之迎至婁驚節物之崢嶸  
吹鄒律以破寒難既襟期之磊砢其為系頌第劇蘊悰

代通吳總卿冬書

方秋崖

子為天之正日屆南躔之景雷在地中復春連北斗之魁  
喜緹室之律田竟總臺之雲麗某官天人三策禮樂百年  
方排闥闔呈琅玕之奇鵷鷺集九霄之曉迺崑崙薄達  
萊而去貌貅飽萬竈之煙要不為紙上已陳之言姑將試  
冒中有用之季鼯鼠盡消於陰慝聿逢剛長之休鳳凰過  
覽於陽暉式對亨嘉之會某遙瞻卿月正戴使天吹鄒律  
以破寒艷放梅梢之煖朝漢宮而迎至倚飛芝字之香其  
若頌言莫殫襟抱

田楊郡王冬

方秋崖

日躔北陸肇正天元春入南陽聿連帝昽黃宮浮暖紫極  
流暉某官一氣之和五雲之瑞為國元舅自牧以謙得易  
初文不遠而復皇明所燭景福來同某久欲垂車未遑削  
牘華星字字猥奉函書鬢雪莖莖第驚節物

回榮却冬書

方秋崖

日長宮璧已浮葭律之春天近蕃房有韝隸華之鄂哀時  
之對奧國同休某有事紫壇未瞻翠水忽枉五雲之翰謙  
以先之又添一卷之書復其亨矣

回景獻却冬書

方秋崖

一陽萌動緹室春浮万象開張藩房天近有偉亨嘉之會  
聿開剛長之期某官自牧以謙不遠而復溫其趙日歛為



可愛之陽和倬彼魯雲要是太平之瑞氣對天之佑與國  
同休其近別講臺遙瞻宗翰景長宮壁喜添一卷之書暖  
入圭矚茂錫百朋之祉

代回諸郎冬書

方秋崖

倬彼魯雲必書為瑞溫其趙日可愛如春維周宗盟自天  
第祿其官土圭之正玉璫之和吁嗟麟兮式時公姓衆維  
魚矣哀對天休福履綏之君子樂只其明農未遂介壽無  
繇節物崢嶸第驚老朽文章尔雅徒負褒榮不敏之辭何  
足以謝

代回程監丞冬

李梅亭

灰浮緹縵新北臺太史之占雲卧衣裳添南極老人之壽  
共惟其官襟懷霜絮談笑春溫未老得閑飽味桑榆之暖

久靜思動佇儀槐棘之班其莫捧兕觥過勤魚素蒲萄一  
斟知公不為於涼州解竹數声在我頗忘其寒

回朱高郵冬書

方秋崖

雲深魯觀喜浮葭管之寒春滄秦沙已逼梅梢之煖亨嘉  
之會剛長維休其官聲明黃鍾之和人物清臺之瑞前有  
召父後有杜母何知戰衛之日長里而老言進而舜趨但  
覓觚稜之天近有偉袴襦之晁式遍綸綍之褒其辱以鯉  
書浮之螳甕有香搖玉弟驚節物之崢嶸其誼斷全莫既  
襟期之磊砢

回丘運使冬書

方秋崖

綉壁春融有永漢宮之日緹函曉籠聿飛卽翰之雲佩雅  
意之相先愧頌言之已後此蓋其官文成璫玉誼重斷金



惠我雙鯉魚共喜甘芬之錯落出呼五花馬第驚節物之  
崢嶸

回浙西王提舉某冬

李梅亭

和叔正冬伯趙司至儀圖道長之慶允屬陽休之賢伏惟  
某官清徹水壺和鍾玉琯送之禮樂不啻尺五之天任以  
公卿即近丈三之日某无由面賀例辱手箋烹魚得書莫  
報五雲之躰拂龜端策但占七日之女

回潘宰冬書

方秋崖

魯臺書至聿來七日之亨潘縣回春已上三年之最維時  
綸檢式對緹葭某官有水其相如日可愛暖入丈三之景  
頌如之何徑排尺五之天會且歸矣某放還山墅久典朝  
衣褰章服揖上官要非間居者之事登灵臺認雲物已候

見尚方之歸敢修記室之辭徃代掃門之禮

回光澤宰冬

方烏山

暖回葭室占日至於史官喜動花城美風流之令尹維時  
麟趾介此鴻休共惟某官標致層冰曾懷愛日一家和氣  
光生天上之棣華百里歡聲青入門前之柳色對陽剛之  
初復佇鳧鳥之趣歸某當此先春喜其猶冷折梅花而送  
似空感盛心祝若木之聯輝慙无善頌亟歸使駟寓訊便  
鴻莫稱先施伏祈寬照

回恭寧宰賀冬

方烏山

陽生七日驗葭室之氣回地占一雷覓花城之春早維時  
賢尹介此休祺共惟某官色線才華黃鍾氣度琴元俗韻  
真黎嶺之家聲筆有清吟得梅花之句法佇由剛長即慶



彙征某方嘆冷氈忽蒙溫續沉沉而動春酌悵阻並游寂  
寂而撥寒灰曷酌嘉惠

回王主簿賀冬

方烏山

陽回葭室和滿花城喜動太夫人慶板輿之具至名聞佳  
主簿紛慶禮之爭先宜對剛辰茂膺繁祉共惟某官家傳  
煇節仕正妙年人言德度之粹溫光風霽月我見丰標之  
凝峻寒露清水旣候飛葭寧淹樓枳某喜其獨冷慙此先  
春祭竈而請比鄰若為孤我升堂而拜壽母惟有羨君亟  
具稟酬伏幾鑒察

回鄉官李職賀冬

李梅亭

聽六日四分之鳳律又見新陽詠五更三點之駕行已迷  
舊夢茲勤善頌但愧過情恭惟某官語染芸香氣薰葭館

登觀以望自堪織雲漢之章閑閑而居亦足驗地雷之卦  
某寸材線短百念冰寒井底之陽未回若為觀復江上之  
容獨老良感相親

新編翰苑新書卷之二十七

續集



韓城雜書

韓城雜書卷之二十四

韓城

安國子身息酥

李得

世古林松致日食不果非

全勝心聖自





